

學 生 國 學 叢 書

莊 適 選 註

新 序 說 苑

商 務 印 書 館 發 行

選註者 莊適
主編者 王雲五
朱經農

學 國
叢 生
書 書

新

序

說

苑

商務印書館發行

中華民國十六年一月初版
中華民國二十六年四月國難後第一版

(2003.1)

學生國新
學叢書
中學適用
序說
范一册

每册實價國幣叁角陸分
外埠酌加運費匯費

版 翻
權 印
所 必
有 究

選註者 莊 適

主編者 王 雲 莊 五

發行者兼 商務印書館
上海河南路

發行所 商務印書館
上海及各埠

學生國學叢書編例

一、中學以上國文功課，重在課外閱讀，自力攻求，教師則爲之指導焉耳。惟重篇巨帙，釋解紛繁，得失互見。將使學生披沙而得金，貫散以成統，殊非時力所許。是有需乎經過整理之書篇矣。本館鑒此，遂有學生國學叢書之輯。

一、本叢書所收，均重要著作。略舉大凡：經部如詩、禮、春秋，史部如史、漢、五代，子部如莊、孟、荀、韓，並皆刊入；文辭則上溯漢、魏，下迄近代，詩、歌則陶、謝、李、杜，均有單本，詞則多采五代、兩宋，曲則擷取元、明大家，傳奇、小說，亦選其英。

一、諸書選輯各篇，以足以表見其書，其作家之思想精神、文學技術者爲準。其無關宏旨者，概從刪削。所選之篇類不省節，以免割裂之病。

一、諸書均爲分段落，作句讀，以便省覽。

一、諸書均有注釋。古籍異釋紛如，則采其較長者。

一、諸書較爲罕見之字，均注音切，並附注音字母，以便諷誦。

一、諸書卷首，均有新序，述作者生平、本書概要，凡所以示學生研究門徑者，不厭其詳。

一、編者識力有限，固陋在所難免。當世學人寵而教之，無不樂承。

序例

新序說苑二書，漢劉向所作。向，初名更生，字子政，爲漢宗室。漢成帝時，典校祕書，採傳記百家之言，取其正辭善義，可爲勸戒者，著此二書奏之。成帝善其意，然不能用。帝欲以爲九卿，爲外戚王氏所制而未成，終於中壘校尉，年七十二。向歿十三年，王氏遂代漢。

新序說苑二書，本用作法戒之資，然先秦書籍，自經火劫，古人之嘉言懿行，得稍明於後世者，惟二書是賴，二書之可貴也在此。

新序說苑二書，體例相同，當時分爲兩種，莫詳其由。本叢書并成一冊，重複者錄一不錄二；他書已採取者不錄；偏於理論者不錄；不合現代情形者不錄。

據前書，劉向『著新序說苑凡五十篇』，其分析法，蓋即隋書經籍志所載之新序三十卷說苑二十卷。宋代初年，二書殘缺，新序僅存十篇，說苑僅存五篇。

曾鞏蒐集而校定之，新序仍爲十篇，說苑仍得二十篇，流傳至今，無大出入。今新序十篇，分雜事刺奢節士善謀四目，說苑二十篇，分君道臣術建本立節貴德復恩政理尊賢正諫敬慎善說奉使權謀至公指武叢談雜言辨物修文反質二十目，本叢書所輯，祇舉目名，不標卷數。

新序說苑二書，文字多訛誤脫落；所載事實，或一人而兩書之人名不同，或一事而人物之時代不同；此由向博採衆說，仍其本文，未加參校，而後之印板，又有錯誤之故。本叢書依據各書，悉心校核，可以訂定者，逕在書中改正之；猶滋疑議者，則在註中說明之；其無從稽考者，闕而不詳。十五年三月八日莊適

新序目錄

雜事

- 孫叔敖埋蛇章……………一
- 虞丘子因樊姬言辭相位章……………一
- 史魚屍諫章……………三
- 楚文王遣命爵筦蘇黜申侯伯章……………四
- 魏武侯喜羣臣不逮己吳起諫章……………五
- 趙簡子使羣臣推車虎會諫章……………五
- 昭奚恤應秦使章……………六
- 晉平公歎不得賢士共樂固桑進言章……………八

楚威王問宋玉其有遺行宋玉對章	九
宓子賤爲單父宰請善書者於魯君章	一〇
梁君出獵怒行者驚白雁羣公孫襲諫章	一一
晉文公失所逐麋問農夫老古老古諫章	一二
魏文侯止大夫賀上計章	一三
孫叔敖諫楚莊王定國是章	一四
宋就使梁楚交歡章	一五
陶朱公對梁王問斷疑獄章	一五
麥丘老人壽齊桓公章	一六
魯哀公問未知哀憂勞懼危孔子對章	一七
田贊諫荆王好衣人以甲章	一九
魯哀公問東益宅不祥孔子對章	一九

魯哀公不禮子張子張託僕夫而去章	二〇
閭丘印求仕章	二一

刺奢

魏王將起中天臺許綰諫章	二三
趙襄子飲酒五日五夜優莫諫章	二四
魏文侯見箕季章	二四
鄒穆公令食鳧鴈必以糝章	二五

節士

曹子臧讓國章	二六
延陵季子以寶劍贈徐君章	二七

申包胥乞師於秦章……………二八

原憲愧子貢章……………二九

李離殉法章……………三一

介子推焚死章……………三三

公孫杵臼程嬰存趙孤章……………三三

義勇

佛肸叛中牟田卑不從章……………三八

白公勝脅易甲爲亂易甲不從章……………三九

白公勝脅王子閻爲王王子閻不肯章……………三九

善謀

江黃附齊桓公受之管仲諫章……………四一

說苑目錄

君道

- 虞芮質成章……………四三
- 武王問得賢敬士或不能爲治太公對章……………四三
- 燕昭王問存社稷之道郭隗對章……………四四
- 楚莊王以羣臣不若己憂而不食章……………四五
- 魏文侯歌使我言而無見違師經援琴撞文侯章……………四六
- 齊人弑君魯襄公問孰臣而敢殺其君師懼對章……………四七

臣術

子貢問孔子今之人臣孰賢章	四八
趙簡子臣尹綽不面譽章	四八
子貢問孔子爲人下之道章	四九
子路爲蒲令與民修溝瀆備水災章	四九

建本

子路言家貧親老不擇祿而仕章	五一
商子告伯禽父道子道章	五一
孟子言人知糞田莫知糞心章	五一
孔子言與人終日不倦惟學乎章	五一
晉平公欲學恐暮師曠對章	五三
甯越學十三歲爲周威公師章	五三

子路好長劍孔子勉以好學章	五四
子路請釋古之學行由之意孔子曰不可章	五五
齊桓公問王者何貴管仲對章	五五

立節

孔子不軾陳修門者章	五六
齊景公致孔子廩丘孔子不受章	五六
魯君致曾子邑曾子不受章	五七
田子方遺子思狐白裘子思不受章	五七
雍門子狄死越甲章	五八
楚吳交兵楚子囊不戰退而請死章	五九
燕兵入齊王歇不屈而死章	五九

貴德

- 武王克殷問處其士衆羣臣對章……………六一
- 季康子問子游仁者與人相愛章……………六一
- 楚王問君子之行與君子之富莊辛對章……………六二

復恩

- 秦穆公不罪殺駿馬者章……………六三
- 楚莊王不罪引美人衣者章……………六三
- 管仲哭鮑叔章……………六四
- 吳赤市假道於衛使智氏衛厚禮之章……………六五
- 魏文侯收戰死者孤田子方諫章……………六六

吳起吮軍人疽膿章……………六六

政理

公叔文子爲政嚴公叔子諫章……………六八

衛靈公問政孰爲務章……………六八

齊桓公逐鹿走入愚公之谷章……………六九

魯哀公問政孔子對章……………七〇

文王問爲天下呂望對章……………七〇

武王問治國之道太公對章……………七一

武王問爲國而數更法令何也太公對章……………七一

魯君死左右請閉門公儀休止之章……………七二

魏文侯使西門豹治鄴告以全功名布義章……………七二

宓子賤治單父而衆說孔子問所以爲章……………七三

宓子賤宰單父陽晝喻以釣道章……………七四

孔蔑宓子賤皆仕孔子過問章……………七四

子路治蒲請教於孔子章……………七五

子貢爲信陽令辭孔子而行章……………七五

楊朱見梁王言治天下如運諸掌章……………七六

景差相鄭見冬涉水者而載之章……………七七

晉文公因封狐文豹而歎欒枝對章……………七七

延陵季子游於晉章……………七八

尊賢

齊桓公設庭燎待士有以九九之術見者章……………七九

孔子歎銅鞮伯華之死章	八〇
齊田疇出將張生郊送章	八〇
魏文侯禮段干木慢翟璜章	八一
魯人攻鄆曾子辭鄆君而去章	八二
楊因見趙簡主章	八二
應侯聞賈子子鼓琴之聲悲問其故章	八二
子路問治國於孔子章	八三

正諫

吳王欲伐荆少孺子借端而諫章	八四
楚莊王欲伐陽夏師久不罷椒舉諫章	八四
趙簡子舉兵攻齊公盧譎諫章	八五

敬慎

- 孔子觀周廟見欹器章……………八六
- 常攢有疾老子往問遺教章……………八七
- 韓平子問叔向剛柔孰堅章……………八七
- 曾子有疾告曾元曾華慎終如始章……………八八
- 孫叔敖爲令尹吏民皆賀一老父來弔章……………八九
- 魏公子牟東行穰侯請言章……………八九
- 齊桓公爲大臣具酒管仲後至章……………九〇
- 孔子觀周太廟見金人銘章……………九〇
- 孔子行遊中路聞哭聲章……………九二
- 孔子見羅者所得皆黃口章……………九三

顏回將西遊問何以爲身章……………九三
 成回學於子路三年恭敬不已章……………九三

善說

齊宣王獵於社山賜父老租役閻丘先生進言章……………九五
 祖朝上書於晉獻公章……………九六
 梁王謂惠子言事無譬章……………九七
 魏文侯與大夫飲公乘不仁浮文侯章……………九八
 趙簡子問孔子之爲人於子貢章……………九八
 齊景公問仲尼之賢於子貢章……………九九
 趙簡子問羊殖之賢於成搏章……………九九

奉使

- 魏太子擊封中山趙倉唐請爲使文侯章……………一〇〇
- 越使諸發以一枝梅遺梁王章……………一〇三
- 秦楚穀兵秦王使人使楚章……………一〇四
- 魏文侯使母擇獻鵠於齊侯章……………一〇五

權謀

- 趙簡子殺澤鳴犢犛又使人聘孔子章……………一〇六
- 魯公索氏祭而亡牲章……………一〇六
- 下蔡威公知國將亡閉門而哭章……………一〇七
- 韓昭侯作高門章……………一〇八
- 中行文子出亡不休嗇夫章……………一〇八
- 孔子問漆雕馬人臧文仲武仲孺子容三大夫孰賢章……………一〇九

至公

辛櫟見魯穆公言周公不如太公賢章	一一〇
虞丘子進孫叔敖章	一一一
趙宣子進韓獻子章	一一二
楚令尹子文之族干法廷理釋之章	一一三
子羔爲衛政別人之足章	一一四

指武

孔子登農山使弟子言志章	一一六
武王將伐紂問太公周公章	一一七
文王欲伐崇先宣言章	一一九

談叢

梟將東徙章……………一一〇

雜言

彌子瑕事衛君前見賢後獲罪章……………一一一

西閭過渡河中流而溺章……………一一一

匡人圍孔子章……………一一三

子夏問顏淵子貢子路子張之爲人於孔子章……………一一三

東郭子惠問子貢夫子之門何雜章……………一二四

子路盛服見孔子章……………一二五

子路問孔子君子亦有憂乎章……………一二五

曾子言吾未能行夫子三言章	一二六
孔子言丘死後商日益賜日損章	一二六
孔子將行無蓋章	一二六
子路行辭於仲尼章	一二六
孔子言富能富人貴能貴人達能達人章	一二七
孔子言知子視友知君視使及與善人惡人居章	一二七

辨物

楚得萍實齊見商羊章	一二八
晉平公自誣章	一二九
趙簡子問翟之妖章	一三〇
子貢問孔子死人有知無知章	一三一

修文

- 子夏閔子騫三年喪畢援琴而弦章……………一三一
齊宣王問田過君與父孰重章……………一三二
韓褐子濟河不用章……………一三四

反質

- 衛五丈夫灌韭不用機章……………一三五
墨子語禽滑釐先質後文章……………一三五
魏文侯御廩災公子成父不弔而賀章……………一三七
齊桓公謂管仲欲禁汰章……………一三七
趙簡子乘弊車瘦馬衣羖羊裘章……………一三八

晉文公盟諸侯無好聲色無貪姦利章	一三八
魯儉者進煮食於孔子章	一三九
公明宣學於曾子章	一四〇
魯人身善織屨妻善織縞而徙於越章	一四〇

雜事

孫叔敖○爲嬰兒之時，出遊，見兩頭蛇，殺而埋之；歸而泣。其母問其故，叔敖對曰：『聞見兩頭之蛇者死，嚮者吾見之，恐去母而死也。』其母曰：『蛇今安在？』曰：『恐他人又見，殺而埋之矣。』其母曰：『吾聞有陰德者，天報以福，汝不死也。』及長，爲楚令尹，○未治而國人信其仁也。

○孫叔敖，春秋時楚人，相楚莊王。

○令尹，官名，春秋時楚執政者之稱。

禹之興也，以塗山，○桀之亡也，以末喜，○湯之興也，以有莘，○紂之亡也，以妲己，○文武之興也，以任姒，○幽王之亡也，以褒姒，○是以詩正關雎，○而春秋褒伯姬也，○樊姬，楚國之夫人也，楚莊王，○罷朝而晏，問其故，莊王曰：『今日與賢相語，不知日之晏也。』樊姬曰：『賢相爲誰？』王曰：『爲虞丘子。』樊姬掩

口而笑。王問其故，曰：『妾幸得執巾櫛以侍王，非不欲專貴擅愛也，以爲傷己之義，故所進與妾同位者數人矣；今虞丘子爲相數十年，^③未嘗進一賢，知而不進，是不忠也，不知是不智也，不忠不智，安得爲賢！』明日，朝，王以樊姬之言告虞丘子，虞丘子稽首曰：『如樊姬之言！』於是辭位而進孫叔敖。孫叔敖相楚，莊王卒以霸，樊姬與有力焉。

①禹，夏代之始王，娶塗山氏之女而生啟，禹崩，啟立，而定君位世襲之制。②桀，夏代之末王，伐有

施氏，得女末喜，嬖之，惟其言是聽，昏亂失德，湯因伐夏而亡之。③湯，商代之始王，以有莘氏女爲妃，

有伊尹者，欲干湯而無由，乃爲有莘氏媵臣，見湯，說以王道，佐之滅夏興商。④紂，商代之末王，得有

蘇氏美女妲己，——妲己，音但（勿Y）。——寵信其言，務爲暴虐，周武王伐而滅之。⑤文，周文王也；武，

周武王也；文，文王之父王季，有妃任，姓曰太任，有娠，嚴持胎教，生子即文王，文王嗣王季爲商諸侯，時紂

爲無道，文王務行仁德，天下皆歸心焉。文王有妃嬭，姓曰太嬭，恪盡婦道，生十男，有子名發，即武王。文

王崩，武王立，遂滅商而興周。⑥幽，幽王，名宮涅，西周之末王，褒國進女，曰褒姒，幽王愛之，廢后申氏，立

以爲后，廢申后子宜臼，立褒姒子伯服爲太子，申后父申侯怒，召犬戎等攻幽王，殺之，立宜臼爲王，是爲平王，東遷於洛而周衰。

⑦關雎詩國風首篇名，文王后妃所作，思得淑女以自助也。

⑧春秋本

魯史記名，後因泛稱記事之書。伯姬，魯宣公之女，爲宋共公夫人，宋災，有司請出，伯姬以爲婦人夜出，不見，傅母不下堂，終不出而死於火，春秋因稱其諡而書『宋共姬卒』以賢之。

⑨楚莊王名旅，

——一作侶。——春秋時霸主之一。

⑩虞丘子，一作沈令尹。

⑪數十年，一作十數年。

衛靈公^①之時，蘧伯玉^②賢而不用，彌子瑕^③不肖而任事，衛大夫史鱣^④患之，數以諫靈公而不聽。史鱣病且死，謂其子曰：『我卽死，治喪於北堂！』吾^⑤不能進蘧伯玉而退彌子瑕，是不能正君也，生不能正君者，死不當成禮，置尸北堂，於我足矣。』史鱣死，靈公往弔，見喪在北堂，問其故，其子具以父言對。靈公，靈公蹴然^⑥易容，寤然^⑦失位，曰：『夫子生則欲進賢而退不肖，死且不懈，又以屍諫，可謂忠而不衰矣！』於是乃召蘧伯玉而進之，以爲卿，退彌子瑕，徙喪正堂，成禮而後返。衛國以治。史鱣，字子魚，論語所謂『直哉史魚』者也。^⑧

①衛靈公名元。

②遯伯玉名璣。

③彌子瑕，靈公之寵臣。

④鮪，音秋（专一又）。

⑤治喪北堂，

偏不成禮也。

⑥吾字下一本有「生」字。

⑦蹴然，不安貌。

⑧寤，與「選」通，寤然驚狀。

⑨論語曰：

「直哉史魚！邦有道，如矢，邦無道，如矢。」

楚〔共〕文王①有疾，召令尹曰：「常侍筦蘇②與我處，常忠我以道，正我義，吾與處，不安也，不見，不思也；雖然，吾有得也，其功不細，必厚爵之！申侯伯與處，常縱恣吾，吾所樂者，勸吾爲之，吾所好者，先吾服之，吾與處，歡樂之，不見，戚戚也；雖然，吾終無得也，其過不細，必亟遣之！」令尹曰：「諾。」明日，王薨，令尹卽拜筦蘇爲上卿，而遂申侯伯出之境。曾子③曰：「鳥之將死，其鳴也哀，人之將死，其言也善。」④言反其本性，〔共〕文王之謂也。故孔子曰：「朝聞道，夕死可矣。」⑤於以開後嗣，覺來世，猶愈沒身不寤者也。

①楚文王名熊賁。

②常侍官名也。筦蘇，一作筦饒。

③曾子名參，字子輿，孔子弟子。

④語見論語。

⑤亦見論語。

昔者魏武侯○謀事而當，羣臣莫能逮，朝而有喜色。吳起○進曰：『今者有以楚莊王之語聞者乎？』武侯曰：『未也。』莊王之語奈何？吳起曰：『楚莊王謀事而當，羣臣莫能逮，朝而有憂色，申公巫臣○進曰：『君朝而有憂色，何也？』莊王曰：『吾聞之，諸侯自擇師者王，自擇友者霸，足己而羣臣莫之若者亡。今以不穀○之不肖，而議於朝，且羣臣莫能逮，吾國其幾於亡矣，吾是以有憂色也。』莊王之所以憂，而君獨有喜色，何也？』武侯逡巡○而謝曰：『天使夫子振○寡人之過也！天使夫子振寡人之過也！』

○魏武侯名擊，文侯子。

○吳起戰國名將，嘗立功於魏楚，爲楚人所殺。

○申公巫臣姓屈，字子靈。

一名巫，封申公，春秋時人，先爲楚臣，以罪奔晉。

○諸侯自稱曰不穀。

○逡巡退却貌。

○振舉救

也。

趙簡子○上羊腸○之坂，羣臣皆偏袒推車，而虎會獨擔戟行歌不推車。簡子曰：『寡人上坂，羣臣皆推車，會獨擔戟行歌不推車，是會爲人臣侮其主爲人』

臣侮其主，其罪何若？虎會對曰：『爲人臣而侮其主者，死而又死。』簡子曰：『何謂死而又死？』虎會曰：『身死，妻子又死，若是謂死而又死。君旣已聞爲人臣而侮其主者之罪矣，君亦聞爲人君而侮其臣者乎？』簡子曰：『爲人君而侮其臣者何若？』虎會對曰：『爲人君而侮其臣者，智者不爲謀，辯者不爲使，勇者不爲鬪；智者不爲謀，則社稷危，辯者不爲使，則使不通，勇者不爲鬪，則邊境侵。』簡子曰：『善。』乃罷羣臣，不推車，爲士大夫置酒與羣臣飲，以虎會爲上客。

○趙簡子名鞅，春秋時晉卿。

○羊腸，坂名，在今山西交城縣東南，戰國時爲趙要塞，石磴縈委如羊腸，故名。

秦欲伐楚，使使者往觀楚之寶器。楚王聞之，召令尹子西而問焉，曰：『秦欲觀楚之寶器，吾和氏之璧，隨侯之珠，可以示諸。』令尹子西對曰：『臣不知也。』召昭奚恤而問焉。昭奚恤對曰：『此欲觀吾國之得失而圖之，不在國之寶器，在於賢臣，夫珠玉玩好之物，非國所寶重者。』王遂使昭奚恤應之。昭

奚恤發精兵三百人，陳於西門之內，爲東面之壇一，爲南面之壇四，爲西面之壇一。秦使者至，昭奚恤曰：『君，客也，請就上位東面之壇。』令尹子西南面〔太〕大宗子敖⑤次之，葉公子高⑥次之，司馬子〔反〕發⑦次之，昭奚恤自居西面之壇。稱曰：『客欲觀楚國之寶器，楚國之所寶者，賢臣也，理百姓，實倉廩，使民各得其所，令尹子西在此，奉珪璧，使諸侯，解忿悁⑧之難，交兩國之歡，使無兵革之憂，〔太〕大宗子敖在此，守封疆，謹境界，不侵隣國，隣國亦不見侵，葉公子高在此，理師旅，⑨整兵戎，以當彊敵，提枹⑩鼓以動百萬之衆，〔所〕使〔皆趨〕赴湯火，蹈白刃，出萬死不顧，〔一生之難〕司馬子〔反〕發在此，若懷霸王之餘〔議〕義，〔攝〕獵治亂之遺風，昭奚恤在此，唯大國之所觀。』秦使者懼然⑪無以對，昭奚恤遂掛而去。秦使者反，言於秦君曰：『楚多賢臣，未可謀也。』遂不伐楚。詩曰：『濟濟多士，文王以寧。』⑫斯之謂也。

○子西△名申，平王庶子，昭王兄。——一作昭王弟。子西與葉公子高皆與昭奚恤不同時，此記與事實

不符。①楚人卞和得璞玉，獻之楚厲王，玉人曰：『石也。』王卞和左足，武王卽位，又獻之，玉人又曰

『石也。』王卞和右足，文王卽位，和乃抱璞而哭，三日三夜，文王乃使玉人琢之，果得玉，因名爲和氏璧。

②隨侯，漢中姬姓國之諸侯，嘗見大蛇傷斷，以藥塗之，後蛇銜珠爲報，純白而夜光，大徑寸，因名爲

隨侯珠。③昭奚恤，楚名將，④太宗，官名，一作『太宰』，子敖，一作子牧，又作子方，未詳。⑤葉公子

高，春秋楚人，姓沈，名諸梁，子高其字，爲葉縣尹，僭稱公。⑥司馬，官名，掌軍旅之事，子發，未詳。⑦忿

情，易怒難忍之意。⑧旅，兵隊之通稱。⑨枹，音夫，「ㄨ」，擊鼓杖也。⑩懼，音攫（ㄐㄨㄟ），懼然，敬

貌。⑪詩大雅文王章之語，濟濟，衆盛貌。

晉平公浮西河，①中流而歎曰：『嗟乎！安得賢士與共此樂者！』船人固桑

進對曰：『君言過矣，夫劍產於越，②珠產江漢，③玉產昆山，④此三寶者，皆無

足而至，今君苟好士，則賢士至矣。』平公曰：『固桑來！吾門下食客者三千餘人，

朝食不足，暮收市租，暮食不足，朝收市租，吾尙可謂不好士乎？』固桑對曰：『今

去鴻鵠，高飛冲天，然其所恃者，六翮⑤耳，夫腹下之毳⑥，背上之毛，增去一把，飛

不爲高下，不知君之食客三千餘人，六翮邪，將腹背之毛毳也。『平公默然而不應焉。』

①晉平公，名彪，悼公之子；一作趙簡子。浮，沉之反。西河水名也。②罔桑，一作蓋桑；又作蓋肯。③古

時越以產寶劍名，如干將、莫邪、純鈎、湛盧等，皆爲越產。④江水，漢水間，昔以產珠名。⑤昆山，卽崑崙

崑山之簡稱，中產寶玉云。⑥翮爲羽莖，古謂鳳有六翮，此則指鴻鵠。⑦毳，音脆（ㄉㄨㄟˋ），細毛。

楚威王○問於宋玉○曰：『先生其有遺行○邪？何士民衆庶不譽之甚也？』

宋玉對曰：『唯！然有之，願大王寬其罪，使得畢其辭。客有歌於郢○中者，其始曰

「下里巴人」○國中屬而和者數千人，其爲「陽陵採薇」○國中屬而和者

數百人；其爲「陽春白雪」○國中屬而和者數十人而已也；引商刻角，雜以流

徵，國中屬而和者不過數人；○是其曲彌高者，其和彌寡。故鳥有鳳而魚有鯨；○

鳳鳥上擊於九千里，絕浮雲，負蒼天，翱翔乎窈冥○之上，夫糞田之鵝，○豈能與

之斷○天地之高哉；鯨魚朝發崑崙之墟，○暴鬣於碣石，○暮宿於孟諸，○夫尺

澤之鯢。豈能與之量江海之大哉。故非獨鳥有鳳而魚有鯨也。士亦有之。夫聖人瑰意琦行，超然獨處，世俗之民，又安知臣之所為哉。

①楚威王名熊商，諡曰威；一作襄王。

②宋玉楚鄢人，為大夫，有文才，多寓言託興之作。

③遺行可

遺棄之行。

④郢，楚都，有二：一為今湖北江陵縣北十里之紀南城，楚文王徙此；一為江陵縣東北三

里之故郢城，平王城而都之。

⑤下里，鄉里，因其為鄉鄙歌謠，故即以下里名之；巴人，巴人所歌；二者

皆俚俗之歌，人人能之也。

⑥陽陵，探薇皆曲名；一作陽阿采菱，又作陽阿薤露。

⑦陽春白雪，皆高

曲名。⑧角，一作『羽』。宮、商、角、徵、羽五音，所以協律，歌而以音律繩之，宜人以為難而和者寡也。

鯨，一作『鯢』，下同。

⑩窈冥，天空幽暗貌。

⑪鴝，同『鸚』，小鳥，常棲田野間。

⑫斷，一作『絕』。

⑬

崑崙，亞洲大山脈之一。墟，山下基也。

⑭碣石，山名，所在地傳說不一，迄未能定。

⑮孟諸，澤名，在今

河南商丘縣東北。

⑯瑰意琦行，奇偉之志行。

魯君使宓子賤為單父宰，子賤辭去，因請借善書者二人，使書憲書教品，

魯君予之。至單父，使書，子賤從旁引其肘，書醜則怒之，欲好書，則又引之，書者

患之，請辭而去。歸以告魯君，魯君曰：『子賤苦吾擾之，使不得施其善政也。』乃命有司無得擅徵發單父。單父之化大治。故孔子曰：『君子哉！子賤！魯無君子者，斯焉取斯！』
◎美其德也。

◎宓^{△△△}子賤^{△△△}，名不齊，孔子弟子，魯人。單父^{△△△}，秦縣，故城在今山東單縣南。宰邑長。◎憲書^{△△△}法令之書。件[△]，品[△]，諭教之屬。◎語見論語。言子賤君子哉，常取人之長，以爲己法，使魯無君子，此人又何從取法乎。

梁君出獵，見白雁羣，梁君下車，彀弓。◎欲射之，道有行者，梁君謂行者止，行者不止，白雁羣駭。◎梁君怒，欲射行者，其御公孫襲下車撫矢曰：『君止！』梁君忿然作色而怒曰：『襲不與！』其君而顧與他人，何也？公孫襲對曰：『昔齊景公^④之時，天大旱三年，卜之曰：「必以人祠。」^⑤乃雨。景公下堂頓首曰：「凡吾所以求雨者，爲吾民也，今必使吾以人祠，乃且雨，寡人將自當之。」言未卒而天大雨方千里者，何也，爲有德於天而惠於民也，今主君以白雁之故而欲射人，襲謂主君言無異於虎狼！』梁君援^⑥其手與上車歸，入廟門，呼萬歲，曰：『幸哉！今

日也！他人獵皆禽獸，吾獵得善言而歸。」

○穀弓引滿其弓。

○駭驚起也。

○與助也。

○齊景公名杵臼。

○以人祠殺人以祭也。

○援

牽持之也。

晉文公○逐麋○而失之，問農夫老古曰：『吾麋何在？』老古以足指曰：『如是往。』公曰：『寡人問子，以足指，何也？』老古振衣而起曰：『一不意人君如此也！虎豹之居也，厭閑而近人；故得魚鼈之居也，厭深而之淺，故得諸侯厭衆而亡其國；詩云：「維鷓有巢，維鳩居之。」君放不歸，人將君之。』於是文公恐，歸遇欒武子，欒武子曰：『獵得獸乎？而有悅色。』文公曰：『寡人逐麋而失之，得善言，故有悅色。』欒武子曰：『其人安在乎？』曰：『吾未與來也。』欒武子曰：『居上位而不恤其下，驕也；緩令急誅，暴也；取人之言而棄其身，盜也。』文公曰：『善。』還載老古與俱歸。

○晉文公名重耳，春秋時霸主之一。

○麋，鹿之大者。

○怪其不敬也。

○振抖擻去塵之意。

○

閔防禦也。厭閔，近人言其厭居，可以爲防之巖穴而喜與人相近。④一作「諸侯之居也，厭衆而遠遊，故亡其國。」⑤詩召南鵲巢之語。⑥放縱恣不檢束也。第二君一作「居」。⑦欒武子，晉大夫，名書，卒諡武。

魏文侯○出遊，見路人反裘而負芻，○文侯曰：「胡爲反裘而負芻？」對曰：「臣愛其毛。」文侯曰：「若不知其裏盡而毛無所恃耶？」明年，東陽上計，○錢布十倍，大夫畢賀，文侯曰：「此非所賀我也，譬無異夫路人反裘而負芻也，將愛其毛，不知其裏盡，毛無所恃也；今吾田地不加廣，士民不加衆，而錢十倍，必取之士大夫也，吾聞之下不安者，上不可居也，此非所以賀我也！」

○魏文侯，名斯，戰國時賢君。

○反裘，毛內向也。芻，薪也。

○東陽，魏邑。上計，上其所收入之記簿也。

楚莊王問於孫叔敖曰：「寡人未得所以爲國是也。」孫叔敖曰：「國之有是，衆非之所惡也，臣恐王之不能定也。」王曰：「不定，獨在君乎，亦在臣乎？」孫叔敖曰：「國君驕，士曰：『士非我無道。』○貴富。」士驕，君曰：「國非士無道安強。」

人君或至失國而不悟，士或至飢寒而不進，君臣不合，國是無適定矣。夏桀殷紂，不定國是，而以合其取舍者爲是，以爲不合其取舍者爲非，故致亡而不知。莊王曰：『善哉！願相國與諸侯士大夫共定國是，寡人豈敢以褊國○驕士民哉！』

○適與『由』同。○褊國狹小之國。

梁大夫有宋就者，嘗爲邊縣令，與楚隣界。梁之邊亭與楚之邊亭皆種瓜，各有數；梁之邊亭人劬力，數灌其瓜，瓜美，楚人竊之，而稀灌其瓜，瓜惡，楚令因以梁瓜之美，怒其亭瓜之惡也。楚亭人心惡梁亭之賢己，因往夜竊搔梁亭之瓜，皆有死焦者矣。梁亭覺之，因請其尉，亦欲竊往報搔楚亭之瓜。尉以請宋就，就曰：『惡！是何可搆怨禍之道也。人惡亦惡，何褊之甚也！若我教子，必每暮令人往竊爲楚亭夜善灌其瓜，勿令知也。』於是梁亭乃每暮夜竊灌楚亭之瓜。楚亭旦而行瓜，則又皆以灌矣。瓜日以美，楚亭怪而察之，則乃梁亭也。楚令聞之，大悅，因具以聞楚王。楚王聞之，怒然愧，以意自閔也。告吏曰：『徵搔瓜，〔者〕得無

有他罪乎？此梁之陰讓也。』乃謝以重幣而請交於梁王。楚王時稱則祝，則稱說梁王以爲信。故梁楚之歡，由宋就始。語曰：『轉敗而爲功，因禍而爲福。』老子曰：『報怨以德。』此之謂也。夫人既不善，胡足效哉！

○勛力猶勞力。○愾音于（口），上聲，惰也。○則乃梁亭也，猶則乃梁亭之所爲也。○愾音溺（子）；愾然憂思貌，以因也。閔傷也。○老子姓李，名耳，字伯陽，外字聃，故亦稱老聃，相傳母懷之八十一歲而生，故號老子，嘗爲周守藏吏，見周衰，出函關隱去，著書曰道德經，爲道家之祖。

梁嘗有疑獄，羣臣半以爲當罪，半以爲無罪，雖梁王亦疑。梁王曰：『陶之朱公以布衣富侖國，○是必有奇智。』乃召朱公而問曰：『梁有疑獄，獄吏半以爲當罪，半以爲不當罪，雖寡人亦疑，吾子決是奈何？』朱公曰：『臣鄙民也，不知當獄。雖然，臣之家有二白璧，其色相如也，其徑相如也，其澤相如也，然其價一者千金，一者五百金。』王曰：『徑與色澤相如也，一者千金，一者五百金，何也？』朱公曰：『側而視之，一者厚倍，是以千金。』梁王曰：『善。』故獄疑則從去，賞疑則從與，

梁國大悅。由此觀之，牆薄則亟壞，繪薄則亟裂，器薄則亟毀，酒薄則亟酸，夫薄而可以曠日持久者，殆未有也。故有國畜民，施政教者，宜厚之而可耳。

○陶朱公，春秋時人，姓范，名蠡，佐越王句踐滅吳，蠡以大名之下，難以久居，且句踐爲人，可與共患難，難與同安樂，遂浮海適齊，變姓名，治產致數千萬，乃盡散其財，去而止陶，自號陶朱公，逐十一之利，又致資巨萬，卒於陶。○畜民，養民也。

桓公○田，至於麥丘，○見麥丘邑人，問之：『子何爲者也？』對曰：『麥丘邑人也。』公曰：『年幾何？』對曰：『八十有三矣。』公曰：『美哉壽乎！子其以子壽祝寡人！』麥丘邑人曰：『祝主君，使主君甚壽，金玉是賤人爲寶。』桓公曰：『善哉！至德不孤，善言必再，吾子其復之！』麥丘邑人曰：『祝主君，使主君無羞學，無惡下問，賢者在傍，諫者得人。』桓公曰：『善哉！至德不孤，善言必三，吾子一○復之！』麥丘邑人曰：『祝主君，使主君無得罪於羣臣百姓。』桓公怫然○作色曰：『吾聞之，子得罪於父，臣得罪於君，未嘗聞君得罪於臣者也。此一言者，非夫二

言者之匹也，子更之！』麥丘邑人坐拜而起，曰：『此一言者，夫二言之長也，子得罪於父，可以因姑姊叔父而解之，父能赦之，臣得罪於君，可以因便辟左右而謝之，君能赦之，昔桀得罪於湯，紂得罪於武王，此則君之得罪於其臣者也，莫爲謝，至今不赦。』公曰：『善，賴國家之福，社稷之靈，使寡人得吾子於此！』扶而載之，自御以歸，禮之於朝，封之以麥丘而斷政焉。

○桓公，齊桓公也，名小白，春秋時第一霸主。○麥丘，丘名，面山傍水，土人悉以種麥，謂不宜黍稷，故稱，在今山東萊蕪縣。○一，一亦作「其」。○四，怫，音「ㄈㄨˋ」，怫然，忿貌。

哀公○問孔子曰：『寡人生乎深宮之中，長〔乎〕於婦人之手，寡人未嘗知哀也，未嘗知憂也，未嘗知勞也，未嘗知懼也，未嘗知危也。』孔子辟席○曰：『吾君之間，乃聖君之間也，丘○小人也，何足以言之！』哀公曰：『否，吾子就席微○吾子，無所聞之矣。』孔子就席，曰：『然！君入廟門，升自阼階，○仰見榱棟，俯見几筵，其器存，其人亡，君以此思哀，則哀將安不至矣。君味爽○而櫛冠，平旦○而

聽朝，一物不應，亂之端也。君以此思憂，則憂將安不至矣。君平日而聽朝，日昃而退，諸侯之子孫，必有在君之門廷者。君以此思勞，則勞將安不至矣。君出魯之四門，以望魯之四郊，亡國之墟，列必有數矣。君以此思懼，則懼將安不至矣。丘聞之：君者，舟也；庶人者，水也。水則載舟，水則覆舟。君以此思危，則危將安不至矣。夫執國之柄，履民之上，懍乎。如以腐索御奔馬，易曰：「履虎尾。」詩曰：「如履薄冰。」不亦危乎！哀公再拜曰：「寡人雖不敏，請事此語矣！」

○哀公魯君，名蔣。○辟，與「避」同；古人布席於地，各專一席而坐，有所敬，則起立避原位，謂之辟席。

○丘，孔子名。○微，非也。○五，階，東階也。○昧爽，天將明未明之時。○平旦，天平明之時。

○日昃，日過午也。○懷乎，危懼貌。○易履卦之辭。○詩小雅小旻章之辭。

田贊衣儒衣而見荆王，荆王曰：「先生之衣，何其惡也？」贊對曰：「衣又有惡此者。」荆王曰：「可得而聞耶？」對曰：「甲惡於此。」王曰：「何謂也？」對曰：「冬日則寒，夏日則熱，衣無惡於甲者矣。贊貧，故衣惡也。今大王萬乘之主也，

富厚無敵，而好衣人以甲，臣竊爲大王不取也。意者爲其義耶？甲兵之事，折人之首，刳人之腹，墮人城郭，係人子女，其名尤甚不榮；意者爲其貴耶？苟慮害人，人亦必慮害之，苟慮危人，人亦必慮危之，其貴人甚不安之。二者，爲大王無取焉。荆王無以應也。昔衛靈公問陳，孔子言俎豆，賤兵而貴禮也。夫儒服，先王之服也，而荆王惡之，兵者，國之凶器也，而荆王喜之，所以屈於田贊而危其國也。故春秋曰：『善爲國者不師。』此之謂也。

○儒[△]一作『補』，補衣，弊衣也。荆楚之本號，魯僖公元年，始改號楚。○係拘縛之意。○慮謀也。○

之此也。○靈公問陳於孔子，孔子曰：『俎豆之事，則嘗聞之矣，軍旅之事，未之學也。』見論語。

哀公○問於孔子曰：『寡人聞之，東益宅○不祥，信有之乎？』孔子曰：『不祥有五，而東益不與焉；夫損人而益己，身之不祥也；棄老取幼，家之不祥也；釋賢用不肖，國之不祥也；老者不教，幼者不學，俗之不祥也；聖人伏匿，愚者擅權，天下之不祥也；故不祥有五，而東益不與焉。』詩曰：『各敬爾儀，天命不又。』○未聞東

益之與爲命也』

○哀公卽魯哀公。

○東益宅添築宅舍於東面也。

○詩小雅小宛章之語。又音亦復也。言汝君臣

各敬慎威儀，天命所去，不復來也。

子張○見魯哀公，七日而哀公不禮，託僕夫○而去，曰：『臣聞君好士，故不

遠千里之外，犯霜露，冒塵垢，百舍重趼，○不敢休息以見君，七日而君不禮，君之

好士也，有似葉公子高之好龍也。葉公子高好龍，鈎以寫龍，鑿以寫龍，屋室雕文

以寫龍，於是天龍聞而下之，窺頭於牖，拖尾於堂，葉公見之，棄而還走，失其魂魄，

五色無主。是葉公非好龍也，好夫似龍而非龍者也。今臣聞君好士，故不遠千里

之外以見君，七日不禮，君非好士也，好夫似士而非士者也。詩曰：『中心藏之，何

日忘之。』○敢託而去。』

○子張姓顓孫，名師，孔子弟子。

○託僕夫，託僕夫轉致也。

○百舍，百里一舍也。研，音繭（4一弓）。

舐也，重研，舐皮層起也。

○詩小雅陽桑章之語。

齊有閭丘卬，年十八，道遮宣王。○曰：『家貧親老，願得小仕。』宣王曰：『子年尚稚，未可也。』閭丘卬對曰：『不然，昔有顛頊，行年十二而治天下，○秦項橐七歲爲聖人師，○由此〔而〕觀之，卬不肖耳，年不稚矣。』宣王曰：『未有咫尺角驂駒，○而能服重致遠者也，由此觀之，夫士亦華髮墮顛，○而後可用耳。』閭丘卬曰：『不然，夫尺有所短，寸有所長，驕驢騾，○天下之駿馬也，使之與狸鼬，○試於釜竈之間，其疾未必能過狸鼬也；黃鵠白鶴，一舉千里，使之與燕服翼，○試之堂廡之下，廬室之間，其便未必能過燕服翼也；辟閭巨闕，○天下之利器也，擊石不闕，刺石不鏗，○使之與管〔橐〕，○橐決日出暎，○其便未必能過管〔橐〕，○橐也由此觀之，華髮墮顛，與卬何以異哉。』宣王曰：『善。子有善言，何見寡人之晚也？』卬對曰：『夫雞豚謹噉，○卽奪鐘鼓之音，雲霞充咽，○則奪日月之明，讒人在側，是以見晚也。詩曰：「聽言則對，譖言則退。」○庸得進乎！』宣王拊軾，○曰：『寡人有過！』遂載與之俱歸而用焉。故孔子曰：『後生可畏，安知來者之不如今。』○此

之謂也。

①宣王，齊君，名辟疆。

②顯頊，黃帝孫，二十歲即帝位，此言十二者，當指其參預國事之時。

③項橐，

七歲窮難孔子而為之師，小兒聞之，咸自矜大，所謂『師』者，非真為師，言能令孔子取為法戒耳。

④

咫角，角短，指小牛也。騶駒，謂小馬，不能獨任其勞，惟在車旁騶駕也。

⑤華髮，白髮。顛，首也。墮顛，意禿

首。⑥驂騶，皆良馬名。

⑦狸，鼬，皆善捕鼠之獸，鼬即俗稱之黃鼠狼。

⑧方言謂自關以東稱蝙蝠為服翼。

⑨辟閔，巨闕，二寶劍名；春秋時，歐冶子鑄二劍，一曰純鉤，二曰湛盧，湛盧湛湛然黑色，即

辟閔也，巨闕亦鑄於其時。⑩銚，與『挫』同，折也。⑪管，竹幹，橐，禾稈，音米（ㄇㄨㄛˊ），物入目中也。⑫

謹噉，喧譁也。

⑬咽，音噎（ㄝ一）；充咽，充塞之意。

⑭詩小雅雨無正章語，原文『對』作『答』。

⑮拊，

音付（ㄈㄨˋ），以手著物也。帙，車前橫木。

⑯語見論語。

刺奢

魏王將起中天臺，令曰：『敢諫者死！』許綰[○]負藥[○]操鍤[○]入，曰：『聞大王將起中天臺，臣願加一力！』王曰：『子何力有加？』綰曰：『雖無力，能商臺。』^④王曰：『若何？』曰：『臣聞天與地相去萬五千里，今王因而半之，當起七阡^⑤五百里之臺；高既如是，其趾須方八千里，盡王之地，不足以爲臺趾，古者堯舜建諸侯，地方五千里，王必起此臺，先以兵伐諸侯，盡有其地，猶不足，又伐四夷，得方八千里，乃足以爲臺趾；材木之積，人徒之衆，倉廩之儲，數以萬億，度八千里之外，當定農畝之地，足以奉給王之臺者，臺具以備，乃可以作。』魏王默然無以應，乃罷起臺。

①許綰^{△△}，魏臣。

②藥[△]，土籠也。

③鍤[△]，起土之具；一作『畚』。

④商臺^{△△}，商榷臺事也。

⑤阡[△]，與『千』通。

趙襄子○飲酒，五日五夜不廢酒，謂侍者曰：『我誠邦士○也，夫飲酒五日五夜矣，而殊不病！』優莫曰：『君勉之！不及紂二日耳！紂七日七夜，今君五日。』襄子懼，謂優莫曰：『然則吾亡乎？』優莫曰：『不亡。』襄子曰：『不及紂二日耳，不亡何待？』優莫曰：『桀紂之亡也，遇湯武，今天下盡桀也，而君紂也，桀紂並世，焉能相亡！然亦殆矣！』

○趙襄子名無恤，簡子之次子。○國中傑出者之意。

魏文侯見箕季。○其牆壞而不築，文侯曰：『何爲不築？』對曰：『不時。』其牆枉而不端。○問曰：『何不端？』曰：『固然。』從者食其園之桃，箕季禁之，少焉，日晏，進糲餐○之食，瓜瓠○之羹。文侯出，其僕曰：『君亦無得於箕季矣，曩者進食，臣竊窺之，糲餐之食，瓜瓠之羹。』文侯曰：『吾何無得於季也！吾一見季而得四焉：其牆壞不築，云「待時」者，教我無奪農時也；牆枉而不端，對曰「固然」者，是教我無侵封疆也；從者食園桃，箕季禁之，豈愛桃哉，是教我下無侵上也；食我以

糲餐者，季豈不能具五味^⑤哉，教我無多斂於百姓，以省飲食之養也。」

①箕季魏人。②枉曲也。端直也，正也。③糲餐粗食。④瓠音湖（厂乂），葫蘆之一種；又蔬類。

五味酸苦甘辛鹹也。

鄒穆公^①有令：『食鳧鴈必以糲，^②無得以粟！』於是倉無糲而求易於民，二石粟而得一石糲。吏以爲費，請以粟食之。穆公曰：『去！非汝所知也！夫百姓飽牛而耕，暴背而耘，勤而不惰者，豈爲鳥獸哉？粟米，人之上食，奈何其以養鳥！且爾知小計，不知大會。』^③周諺曰：「囊漏貯中。」而獨不聞歟？夫君者，民之父母，取倉之粟，移之於民，此非吾之粟乎？烏苟食鄒之糲，不害鄒之粟也，粟之在倉與在民，於我何擇！鄒民聞之，皆知私積與公家爲一體也。此之謂知富邦。

①鄒，戰國時小國，姓曹，春秋時稱邾。穆公，鄒君，名不詳。②糲，同「秕」，音比（夕一），不成粟也。③會，音僧（夕义），大計也，猶今之統計。

節士

曹公子喜時，○字子臧，曹宣公○子也。宣公與諸侯伐秦，卒於師，○曹人使子臧迎喪，使公子負芻○與太子留守。負芻殺太子而自立。子臧見負芻之當主也，宣公既葬，子臧將亡，國人皆從之。○——負芻立，是爲曹成公。——成公懼，告罪，且請子臧。○子臧乃反。成公遂爲君。其後晉侯會諸侯，執曹成公，歸之京師，將見子臧於周天子而立之。子臧曰：『前記有之：「聖達節，次守節，下〔不〕失節。」』○爲君，非吾節也，雖不能聖，敢失守乎？』遂亡奔宋。曹人數請於晉，晉侯謂『子臧反國，吾歸爾君。』於是子臧反國，晉乃言天子，歸成公於曹。子臧遂以國致成公，成公爲君，子臧不出，曹國乃安。子臧讓千乘之國，可謂賢矣，故春秋賢而褒其後。○

○喜時，一作欣時。

○曹宣公名廡，一作彊。

○魯成公十三年事也。

○負芻喜時庶兄。

○國人

從子臧，以不義負芻故。○請子臧，請其留而不亡去也。○聖達節，言聖人應天命，不拘常禮。次守節，

謂賢者。下失節，謂愚者妄動也。

○魯昭公二十年，子臧子會以曹邑郟叛奔宋，春秋當書「公孫會

以郟出奔宋」，乃曰「自郟出奔宋」，而不著其叛，所以賢子臧而爲其後諱，故曰春秋賢而褒其後。

延陵季子○將西聘晉，帶寶劍以過徐○君，徐君觀劍，不言而色欲之，延陵

季子爲有上國○之使，未獻也，然其心許之矣；致使於晉，（故）顧反，則徐君死於

楚，於是脫劍致之嗣君。從者止之曰：「此吳國之寶，非所以贈也。」延陵季子曰：

「吾非贈之也，先日吾來，徐君觀吾劍，不言而其色欲之，吾爲有上國之使，未獻

也，雖然，吾心許之矣，今死而不進，是欺心也，愛劍僞心，廉者不爲也。」遂脫劍致

之嗣君。嗣君曰：「先君無命，孤不敢受劍。」於是季子以劍帶徐君墓樹而去。徐

人嘉而歌之曰：「延陵季子兮不忘故，脫千金之劍兮帶丘墓！」○

○延陵，今江蘇武進縣。季子名札，吳王壽夢之少子，封於延陵，故稱延陵季子。

○徐，古國名，在今江

淮間。①上國謂中國別於夷狄之國而言，是時吳爲蠻地，故以上國稱中土諸國。②「故」「慕」二

字叶韻。

申包胥者，楚人也。吳敗楚兵於柏舉，遂入郢。昭王出亡在隨。申包胥不受命而赴於秦乞師曰：「吳爲無道，行封豕長蛇，蠶食天下，從上國始於楚。寡君失社稷，越在草莽，使下臣告急。」吳夷狄也，夷狄之求無厭，滅楚則西與君接境，若隣於君，疆場之患也。逮吳未定，君其圖之！若得君之靈，存撫楚國，世以事君。」秦伯使辭焉，曰：「寡君聞命矣，子其就館，將圖而告子。」對曰：「寡君越在草莽，未獲所休，下臣何敢卽安！」倚於庭牆立，哭日夜不絕聲，水漿不入口，七日七夜，秦哀公爲賦「無衣」之詩。言兵今出，包胥九頓首而坐。秦哀公曰：「楚有臣若此而亡，吾無臣若此，吾亡無日矣！」於是乃出師救楚。申包胥以秦師至楚，秦大夫子滿、子虎帥車五百乘，子滿曰：「吾未知吳道。」使楚人先與吳人戰而會之，大敗吳師。吳師旣退，昭王復國而賞始於包胥，包胥曰：「輔君安

國，非爲身也，救急除害，非爲名也。功成而受賞，非賣勇也。君既定，又何求焉！遂逃賞，終身不見。君子曰：申子之不受命赴秦，忠矣。七日七夜不絕聲，厚矣。不受賞，不伐矣。然賞所以勸善也，辭賞，亦非常法也。

○柏舉楚地。吳敗楚事在魯定公四年。○昭王楚君，名軫，一作珍。隨古國名，在今湖北。○不受命

言未受王命。○四封豕，大豕。封豕長蛇，喻吳之貪暴。○越播越，流離之義。在草莽不在朝而在野，喻

失所也。○言及吳未定，君盍乘機謀取楚地。○撫存恤也。○秦哀公，名不詳。無衣之詩，見詩秦

風，中有「取我戈矛」，「與子同仇」，「與子偕行」等語。○無衣三章，每章三頓首，故九頓首。○子

滿，一作子蒲。○道，猶法術。

原憲○居魯，環堵之室，○茨○以生蒿，蓬戶甕牖，○揉桑以爲樞，○上漏下

溼，匡坐而絃歌。○子貢○聞之，乘肥馬，衣輕裘，中紺○而表素，軒車不容巷，○往

見原憲。原憲冠桑葉冠，杖藜杖而應門，正冠則纓絕，○衽襟則肘見，○納屨則踵

決。○子貢曰：「嘻！先生何病也！」原憲仰而應之曰：「憲聞之，無財之謂貧，學

而不能行之謂病，憲貧也，非病也。若夫希^④世而行，比周^⑤而交，學以爲人，教以爲己，仁義之〔匿〕^⑥，與馬之飾，憲不忍爲也。子貢逡巡面有愧色，不辭而去。原憲曳杖拖屨行歌商頌^⑦而反，聲滿天地，如出金石，天子不得而臣也，諸侯不得而友也。故養志者忘身，身且不愛，孰能累之！詩曰：『我心匪石，不可轉也；我心匪席，不可卷也。』^⑧此之謂也。

①原憲，魯人，一曰宋人，字子思，孔子弟子。

②堵，長一丈，高一尺，而環一堵爲方丈，故曰環堵之室，言

其貧也。

③茨，音慈（方），蓋屋也。

④蓬戶，編蓬爲戶，甕牖，以敗甕口爲牖，或云窗圓如甕口。

⑤揉，

屈伸木也，樞，戶樞。

⑥匡坐，正坐也。絃歌，作樂而歌；絃，琴瑟之屬。

⑦子貢，姓端木，名賜，孔子弟子。

⑧紺，深青揚赤色，俗稱天青。

⑨不容卷，巷狹不能容也。

⑩正冠，纓絕纓不堅韌也。

⑪衽，整也。衽

襟，整襟，肘見，袖不完好也。

⑫決，出露之意。納屨踵決，屨旁與屨底不相屬也。

⑬病，困苦之意。

⑭

希，有所冀而迎合之也。

⑮比周，阿附之意。

⑯頌，詩之一體，樂章之兼有舞容者，商頌，頌之專屬商

代者也。

⑰詩，邶風柏舟章語。言石雖堅尙可轉，席雖平尙可卷，我心志堅平，過於石席。

晉文公反國，○李離爲大理，○過殺不辜，自繫曰：『臣之罪當死！』文公令之曰：『官有上下，罰有輕重，是下吏之罪也，非子之過也。』李離曰：『臣居官爲長，不與下讓位，受祿爲多，不與下分利，過聽殺無辜，委下畏死，非義也，臣之罪當死矣！』文公曰：『子必自以爲有罪，則寡人亦有過矣。』李離曰：『君量能而授官，臣奉職而任事，臣受印綬之日，君命曰：『必以仁義輔政，寧過於生，無失於殺。』臣受命不稱，壅惠蔽恩，如臣之罪，乃當死，君何過之有？且理有法，失生卽生，失殺卽死，君以臣爲能聽微決疑，故任臣以理，今離刻深不顧仁義，信文墨，○不察是非，聽他辭不精事實，掠服，○無罪使百姓怨，天下聞之，必議吾君，諸侯聞之，必輕吾國，怨積於百姓，惡揚於天下，權輕於諸侯，如臣之罪，是當重死！』文公曰：『吾聞之也，直而不枉，不可與往，方而不圓，不可與長存，願子以此聽寡人也。』李離曰：『君以所私害公法，殺無罪而生當死，二者非所以教於國也，離不敢受命！』文公曰：『子獨不聞管仲之爲人臣邪？身辱而君肆，行汙而霸成。』○李離曰：

「臣無管仲之賢，而有辱汙之名，無霸王之功，而有射鉤之累，^④夫無能以臨官，籍^⑤汙以治人，君雖不能加之於法，臣亦不敢汙官亂治以生，臣聞命矣！」遂伏劍而死。

① 晉文公因其父獻公寵驪姬，害羣公子，故出亡，在外十九年，歸國即位。 ② 大理^{△△}掌刑法之官。 ③

文墨^{△△}，官中申詳之文件。 ④ 掠服^{△△}，刑訊誣服也。 ⑤ 肆^{△△}，肆行其志也。齊內亂，公子糾自魯入，桓公自莒

先入，管仲助子糾，以魯師與齊師戰，射桓公，中其帶鉤，魯師既敗，子糾被殺，管仲被囚，桓公釋之以為

相，而齊遂霸。 ⑥ 離意未能使文公成霸王之業，反枉法以累君，是無異有管仲射鉤之事，而不能有

管仲佐霸功也。 ⑦ 籍^{△△}，蹈也。

晉文公反國，酌士大夫酒，召咎犯^①而將之，召艾陵^②而相之，授田百萬。介

子推^③無爵，齒而就位，觴三行，介子推奉觴而起，曰：「有龍矯矯，將失其所，有虵

從之，周流天下，龍既入深淵，得其安所，虵脂盡乾，獨不得甘雨。此何謂也？」文公

曰：「嘻！是寡人之過也！吾為子爵與，待且之朝也；吾為子田與，河東陽之間。」介

子推曰：『推聞君子之道，謁而得位，道士^④不居也，爭而得財，廉士不受也。』文公曰：『使我得反國者，子也，吾將以成子之名。』介子推曰：『推聞君子之道，爲人子而不能承^⑤其父者，則不敢當其後，爲人臣而不見察於其君者，則不敢立於其朝，然推亦無索於天下矣。』遂去而之介山^⑥之上。文公求之不得，爲之避寢三月，號呼^⑦朞年。詩曰：『逝將去汝，適彼樂郊，樂郊樂郊，誰之永號。』^⑧此之謂也。文公待之不肯出，求之不能得，以謂焚其山宜出，及焚其山，遂^⑨不出而焚死。

○^①咎犯姓狐，名偃，字子犯，文公之舅，故又稱舅犯，從文公出亡，文公反國定霸，偃謀居多。○^②艾陵，未

詳。○^③介子推，又稱介之推，『之』爲語助，推其名也，亦從文公於外，曾有功。○^④道士，有道之士。○^⑤

承奉也。○^⑥介山，在今山西沁源靈石介休三縣之界，亦名絳山，盤互百里。○^⑦詩魏風碩鼠章語。逝

往也。○^⑧亦往也。永號，長歌也。誰獨當往而長歌，言皆喜而無憂。○^⑨遂終也。

公孫杵臼程嬰者，晉大夫趙朔客也。晉趙穿弑靈公，趙盾時爲貴大夫，亡不出境，還不討賊，故春秋責之，以盾爲弑君。○屠岸賈者，幸於靈公，晉景公○時，賈

爲司寇，^③欲討靈公之賊，盾已死，欲誅盾之子趙朔；^④徧告諸將曰：『盾雖不知，猶爲〔賊首〕首賊，賊臣弑君，子孫在朝，何以懲罪？請誅之！』韓厥^⑤曰：『靈公遇賊，趙盾在外，吾先君^⑥以爲無罪，故不誅，今諸君將妄誅，妄誅謂之亂臣，有大事，君不聞，是無君也。』屠岸賈不聽。韓厥告趙朔，趣亡，趙朔不肯，曰：『子必不絕趙祀，^⑦予死不恨！』韓厥許諾，稱疾不出。賈不請而擅與諸將攻趙氏於下宮，殺趙朔、趙同、趙括、趙嬰齊，^⑧皆滅其族。趙朔妻成公姊，有遺腹，走公宮匿。公孫杵臼謂程嬰：『胡不死？』嬰曰：『朔之妻有遺腹，若幸而男，吾奉之，卽女也，吾徐死耳。』無何，而朔妻免，生男。屠岸賈聞之，索於宮，朔妻置兒袴中，祝曰：『趙宗滅乎，若號！卽不滅乎，若無聲！』及索兒，竟無聲。已脫，程嬰謂杵臼曰：『今一索不得，後必且復之，奈何？』杵臼曰：『立孤與死孰難？』嬰曰：『立孤亦難耳。』杵臼曰：『趙氏先君遇子厚，子強爲其難者，吾爲其易者，吾請先死！』而二人謀，取他嬰兒，負以文祿，匿山中。嬰謂諸將曰：『嬰不肖，不能立孤，誰能與吾千金，吾告趙氏孤處。』

諸將皆喜，許之。發師隨嬰攻杵臼。杵臼曰：『小人哉程嬰！下宮之難不能死，與我謀匿趙氏孤兒，今又賣之，縱不能立孤兒，忍賣之乎！』抱而呼：『天乎！趙氏孤兒何罪，請活之，獨殺杵臼也！』諸將不許，遂並殺杵臼與兒。諸將以爲趙氏孤兒已死，皆喜。然趙氏真孤兒乃在，程嬰卒與俱匿山中。居十五年，晉景公病，卜之，大業之冑者爲崇，景公問韓厥，韓厥知趙孤存，乃曰：『大業之後，在晉絕祀者，其趙氏乎？』夫自中行衍皆嬴姓也，中行衍人面鳥喙，降佐帝大戊及周天子，皆有明德。下及幽厲無道，而叔帶去周適晉，事先君繆侯，至於成公，世有立功，未嘗絕祀，今及吾君獨滅之，趙宗國人哀之，故見龜策。唯君圖之。景公問：『趙尚有後子孫乎？』韓厥具以實告。景公乃與韓厥謀，立趙孤兒，召匿之宮中，諸將入問病，景公因韓厥之衆以脅諸將，而見趙孤兒——孤兒名武——諸將不得已，乃曰：『昔下宮之難，屠岸賈爲之，矯以君命，並命羣臣，非然，孰敢作難？微君之病，羣臣固將請立趙後，今君有命，羣臣願之。』於是召趙氏武，程嬰徧拜。

諸將，遂俱與程嬰趙氏攻屠岸賈，滅其族，復與趙氏田邑如故。趙武冠爲成人，程嬰乃辭大夫，謂趙武曰：『昔下宮之難，皆能死，我非不能死，思立趙氏後，今子既立爲成人，趙宗復故，我將下報趙孟。』與公孫杵臼。趙武號泣固請曰：『武願苦筋骨以報子至死，而子忍棄我死乎！』程嬰曰：『不可，彼以我爲能成事，故皆先我死，今我不下報之，是以我事爲不成也。』遂自殺。趙武服衰三年，爲祭邑，春秋祀之，世不絕。君子曰：程嬰公孫杵臼可謂信交厚士矣！嬰之自殺下報亦過矣！

① 趙穿，趙盾族弟。靈公名夷皋，文公孫，襄公子。趙盾，文公功臣趙衰子，歷事襄公靈公成公，握晉政權。

靈公侈，盾數諫，公患之，欲殺盾，盾出奔，未出晉境，而趙穿已弑公，盾遂反復位，置穿不問，春秋以其亡

未出境，歸又不討賊，遂直書曰：『晉趙盾弑其君夷皋。』

② 景公名據，靈公被弑，趙盾立襄公弟黑臀，是爲成公，景公卽成公之子。

③ 司寇，刑官也。

④ 韓厥，晉卿，曾佐晉悼公復霸諸侯，卒諡獻，故又稱

韓獻子。

⑤ 先君，指成公。

⑥ 猶言『子必不絕趙祀者。』

⑦ 趙同，趙括，趙嬰齊，皆趙盾異母弟。

①大業古帝顓頊之苗裔；一說，卽臯陶冑後嗣也。②大業之子伯益，佐舜調鳥獸，舜賜姓嬴氏，趙氏與秦皆嬴姓裔也。③中，音仲；中行衍一作中衍，伯益之後也。④囑，音晝（出又）；鳥口；中行衍口及手足皆似鳥。⑤帝大戊，商賢君，稱中宗。中行衍爲帝大戊御，其後嗣有名孟增者，幸於周成王，又有造父者，以善御幸於周穆王，穆王以趙城封造父，其族遂爲趙氏。⑥幽厲，幽王厲王也，皆西周無道之君。⑦叔帶，造父八世孫。⑧繆侯，一作文侯，名仇，周幽王時晉君。叔帶五世生趙夙，爲晉獻公將，有功，夙孫衰，從文公出亡反國，成霸業，子盾又定晉亂，故曰世有立功。⑨龜爲卜筮——音策（ㄉㄞˋ）——爲筮。⑩屠岸賈滅趙氏，以其田與大夫祁奚，至是乃復與之。⑪趙孟，卽趙盾。⑫衰，音催（ㄉㄞˋ），喪服。

義 勇

佛肸^{△△}○以中牟^{△△}○叛，置鼎於庭，致士大夫曰：『與我者受邑，不吾與者烹！』大夫皆從之。至於田卑^{△△}，○曰：『義死不避斧鉞之罪，義窮不受軒冕之服，無義而生，不仁而富，不如烹！』褰衣將就鼎，佛肸脫屣而生之。趙氏聞其叛也，攻而取之。聞田卑不肯與也，求而賞之。田卑曰：『不可也，一人舉而萬夫俛首，智者不爲也，賞一人以慚萬夫，義者不取也，我受賞，使中牟之士懷耻，不義。』辭賞〔從〕徙處。曰：『以行臨人，^{△△}不道，吾去矣！』遂南之楚。

○佛肸，讀如『弼吸』，中牟大夫。

○中牟，今河南湯陰縣。

○田卑，一作田基，又作田英，中牟之邑人。

○^{△△}以行臨人，謂以一己之行上駕於人也。

楚太子建以費無極之譖見逐。○建有子曰勝，在外，子西召勝使治白，○號

曰：白公勝怨楚逐其父，將弑惠王。及子西欲得易甲，陳士勒兵以示易甲曰：『與我無患不富貴，不吾與，則此是也！』易甲笑曰：『嘗言吾義矣，吾子忘之乎？立得天下，不義，吾不取也；威吾以兵，不義，吾不從也。今子將弑子之君，而使我從子，非吾前義也。子雖告我以利，威我以兵，吾不忍爲也。子行子之威，則吾亦得明吾義也。逆子以兵爭也，應子以聲，鄙也；吾聞士立義不爭，行死不鄙。』拱而待兵，顏色不變也。

○建楚平王之子，平王立，立爲太子。費無極，楚大夫，爲建少傅，無寵於建，譖於王而逐之。○子西於勝爲叔，時爲令尹，白楚邊邑。○惠王，平王孫，昭王子，名章。○應子以聲，謂出惡聲以詬詈之。

白公勝既殺令尹司馬，○欲立王子闔。○以爲王，王子闔不肯，刼之以刃，王子闔曰：『王孫輔相楚國，匡正王室，而后自庇焉，闔之願也，今子假威以暴王室，殺伐以亂國家，吾雖死不子從也！』白公勝曰：『楚國之重，天下無有，天以與子，子何不受也？』王子闔曰：『吾聞辭天下者，非輕其利也，以明其德也，不爲諸侯』

者，非惡其位也，以絜其行也，今吾見國而忘主，不仁也，刼白刃而失義，不勇也，子雖告我以利，威我以兵，吾不爲也。白公強之，不可，遂殺之。葉公高率衆誅白公而反惠王於國。

○令尹^{△△}公子申子西也，司馬^{△△}公子結子期，亦勝叔，昭王兄也；一作昭王弟。
○王^{△△}子閻，昭王弟，名啓，昭王臨歿，曾以國讓之，閻五辭而後許，及昭王歿，仍與子西子期援立惠王。
○刼^{△△△}白^{△△}及，言爲兵所威脅。

善謀

齊桓公時，江國黃國，^①小國也，在江淮之間，近楚；楚，大國也，數侵伐，欲滅取之；江人黃人患楚。齊桓公方存亡繼絕，救危扶傾，尊周室，攘^②夷狄，爲陽穀之會，^③貫澤之盟，^④與諸侯將伐楚，江人黃人慕桓公之義，來會盟於貫澤。管仲^⑤曰：『江黃遠齊而近楚，楚爲利之國也，若伐而不能救，無以宗諸侯，^⑥不可受也。』桓公不聽，遂與之盟。管仲死，楚人伐江滅黃，^⑦桓公不能救，君子閔之。是後桓公信壞德衰，諸侯不附，遂陵遲不能復興。夫仁智之謀，卽事有漸，^⑧力所不能救，未可以受其質，^⑨桓公受之，過也。管仲可謂善謀矣。詩云：『曾是莫聽，大命以傾。』^⑩此之謂也。

①江國地在昔汝南安陽縣。今河南潢川縣西有弋陽故城，則爲春秋黃國地。②攘排去之也。③

陽穀，齊邑，在今山東。魯僖公三年，桓公會諸侯於此。④貫澤，宋邑，在今山東。魯僖公二年，桓公會諸

侯於此。

⑤管仲，名夷吾，諡曰敬，故亦稱管敬仲，相桓公成霸業者。

⑥無以宗諸侯，言不能爲諸侯

宗主。

⑦楚滅黃，在魯僖公十二年，而管仲死在滅黃後，——仲死僖公十四年。——文與事實不符。

⑧卽事有漸，謂循事以行事，不遽求諸遠也。

⑨質讀如『贄』，奉幣以求附也。

⑩詩大雅蕩章之

語。

君道

虞人與芮人質其成於文王，○入文王之境，則見其人民之讓爲士大夫，入其國，則見其士大夫讓爲公卿，二國者相謂曰：『其人民讓爲士大夫，其士大夫讓爲公卿，然則此其君亦讓以天下而不居矣。』二國者未見文王之身而讓其所爭以爲閑田而反。孔子曰：『大哉文王之道乎，其不可加矣！不動而變，無爲而成，敬慎恭己，而虞芮自平。』故書曰：『惟文王之敬忌。』○此之謂也。

○虞芮，二國名，其地皆在古河東。質，正也。成，平也。虞芮之君，相與爭田，久而不平，乃相謂曰：『西伯，一即文王。——仁人也，盍往質焉。』
○書康誥語忌，畏忌也。

武王問太公○曰：『得賢敬士，或不能以爲治者，何也？』太公對曰：『不能獨斷，以人言斷者殃也。』○武王曰：『何爲以人言斷？』太公對曰：『不能定所去，

以人言去，不能定所取，以人言取，不能定所爲，以人言爲，不能定所罰，以人言罰，不能定所賞，以人言賞，賢者不必用，不肖者不必退，而士不必敬。」武王曰：「善。」其爲國何如？」太公對曰：「其爲人惡聞其情，而喜聞人之情，惡聞其惡，而喜聞人之惡，是以不必治也。」武王曰：「善。」

○太公^{△△}，姓姜，名尚，字子牙，佐武王滅商而得天下。○言以人言爲斷之害也。

燕昭王○問於郭隗曰：「寡人地狹人寡，齊人（削）取薊入城，○匈奴驅馳樓煩之下，○以孤之不肖，得承宗廟，○恐危社稷，存之有道乎？」郭隗曰：「有。然恐王之不能用也。」昭王避席，願請聞之。郭隗曰：「帝者之臣，其名臣也，其實師也；王者之臣，其名臣也，其實友也；霸者之臣，其名臣也，其實賓也；危國之臣，其名臣也，其實虜也。今王將東面，目指氣使以求臣，則厮役之材至矣；南面聽朝，不失揖讓之禮以求臣，則人臣之材至矣；西面等禮相亢，下之以色，不乘勢以求臣，則朋友之材至矣；北面拘指逡巡^⑤而退以求臣，則師傅之材至矣；如此則上可以

王，下可以霸，惟王擇焉！』燕王曰：『寡人願學而無師。』郭隗曰：『王誠欲興道，隗請爲天下之士開路！』於是燕王常置郭隗上坐南面，居三年，蘇子④聞之，從周歸燕；鄒衍⑤聞之，從齊歸燕；樂毅⑥聞之，從趙歸燕；屈景⑦聞之，從楚歸燕；四子畢至，果以弱燕并強齊。夫燕齊非均權敵戰之國也，所以然者，四子之力也。詩曰：『濟濟多士，文王以寧。』⑧此之謂也。

○燕昭王名平，王噲之子。

○薊，古地名，今直隸有薊縣。王噲讓國於相子之，而不聽政，三年，國大亂。

齊因以兵乘之，燕幾於亡。

③匈奴北狄樓煩古國名，在今山西地鄰於燕。④齊兵入燕二年，燕人

共立昭王。

⑤拘，讀如『鈞』，曲也；拘指卑恭之狀。遂巡，行不進也。

⑥蘇子，名代，縱橫家蘇秦之弟。

⑦鄒衍善談天。

⑧樂毅能用兵，燕之敗齊，毅功居多。

⑨屈景，有文才。

⑩詩大雅文王章語。濟濟

衆盛貌。

楚莊王既服鄭伯，敗晉師，將軍子重三言而不當。莊王歸，過申，侯之邑，申侯進飯，日中而王不食，申侯請罪，莊王喟然歎曰：『吾聞之，其君賢者也，而

又有師者王；其君中君也，而又有師者霸；其君下君也，而羣臣又莫若君者亡。今我下君也，而羣臣又莫若不穀，不穀恐亡。且世不絕聖，國不絕賢，天下有賢而我獨不得，若吾生者，何以食爲！故戰服大國，義從諸侯，戚然憂恐，聖知不在乎身，自惜不肖，思得賢佐，日中忘飯，可謂明君矣。

○楚莊王名旅，一作侶，春秋時五霸之一。鄭伯襄公堅也。是時晉楚爭鄭，鄭服於晉，故莊王以兵圍之，鄭不能敵，遂從楚命。晉聞鄭有楚難，發兵救之，楚大敗之於鄆，服鄭敗晉，皆魯宣公十二年事。○子重，名嬰齊，莊王弟。○申，國名，今河南南陽縣。○聖知不在乎身，自惜不肖，一作『聖智在身而自錯不肖』。

師經○鼓琴，魏文侯○起舞，賦曰：『使我言而無見違。』師經援琴而撞文侯，不中，中旒，潰之。○文侯謂左右曰：『爲人臣而撞其君，其罪如何？』○左右曰：『罪當烹。』提師經下堂一等。○師經曰：『臣可一言而死乎？』文侯曰：『可。』師經曰：『昔堯舜之爲君也，惟恐言而人不違，桀紂之爲君也，惟恐言而人違之，』

臣撞桀紂，非撞吾君也。』文侯曰：『釋之，是寡人之過也。懸琴於城門以爲寡人符，^⑥不補旒以爲寡人戒。』

○師經，樂師之名經者。○魏文侯，名斯，戰國時賢君。○旒，冕飾，潰散也。

○其罪如何，言當治何罪。○^⑤一等一級也。○^⑥符，信也，言徵實已過也。

齊人弑其君，○魯襄公○援戈而起曰：『孰臣而敢殺其君乎？』師懼曰：『夫齊君治之不能，任之不肖，縱一人之欲以虐萬夫之性，非所以立君也，其身死，自取之也；今君不愛萬夫之命，而傷一人之死，奚其過也！其臣已無道○矣，其君亦不足惜也。』

○齊崔杼弑其君莊公也，事在魯襄公二十五年。○魯襄公，名午，成公之子。○已無道，猶固已無道。

臣術

子貢問孔子曰：『今之人臣孰爲賢？』孔子曰：『吾未識也。往者齊有鮑叔，鄭有子皮，賢者也。』子貢曰：『然則齊無管仲，鄭無子產乎？』子曰：『賜！汝徒知其一，不知其二，汝聞進賢爲賢耶，用力爲賢耶？』子貢曰：『進賢爲賢。』子曰：『然。吾聞鮑叔之進管仲也，聞子皮之進子產也，未聞管仲子產有所進也。』

①子貢姓端木，名賜，孔子弟子。

②鮑叔齊大夫，名牙，薦管仲於桓公，因成霸業。

③子皮姓罕氏，名

虎，鄭公族，爲上卿，任子產以政而國治。

④管仲名夷吾，諡曰敬，故亦稱管敬仲，相桓公成霸業者。

⑤子產姓國氏，名僑，亦鄭公族，有政治才，自爲鄭相，鄭國大安。

⑥用力盡一己之職也。

簡子有臣尹綽，赦厥。簡子曰：『厥愛我，諫我必不於衆人中，綽也不愛

我，諫我必於衆人中。」尹綽曰：「厥也愛君之醜，而不愛君之過也，臣愛君之過，而不愛君之醜。」孔子曰：「君子哉尹綽！面訾不面譽也。」

○簡子趙簡子也，名鞅，春秋時晉卿。○尹綽赦厥，一作尹鐸趙厥。○「也」字一本無。

子貢問孔子曰：「賜爲人下而未知所以爲人下之道也。」孔子曰：「爲人下者，其猶土乎？種之則五穀生焉，掘之則甘泉出焉，草木植焉，禽獸育焉，生人立焉，死人入焉。」多其功而不言。○爲人下者，其猶土乎！

○生人死人之入，一皆作「則」立，一作出。○言，一作「息」。

子路○爲蒲○令，備水災，與民春修溝瀆，爲人煩苦，故予人一簞食，○一壺漿。○孔子聞之，使子貢復○之，子路忿然不悅，往見夫子曰：「由也以暴雨將至，恐有水災，故與人○修溝瀆以備之，而民多匱○於食，故與人一簞食，一壺漿，而夫子使賜止之，〔何也〕夫子○止由之行仁也，夫子以仁教而禁其行，〔仁也〕由也不受！」子曰：「爾以民爲餓，何不告於君，發倉廩以給食之，而以爾私饋之？」

汝不明君之惠，^①見汝之德義也。速已則可矣，否則爾之受罪不久矣！^②子路心服而退也。

①子路，姓仲，名由。

②蒲，衛地，在今直隸長垣縣西南。

③簞，音丹（勿弓），竹器。食，音似（ム），飯也。

④漿，米汁。

⑤復，復其故狀，不使施行也；一作『覆』，又作『止』。

⑥人，一作『民』。

⑦匱，空乏也。

⑧

一本『夫子』上有一『是』字。⑨是汝句一作『是汝明君之無惠』。

建本

子路曰：『負重致遠者，不擇地而沐，家貧親老者，不擇祿而仕，昔者由事二親之時，常食藜藿^①之實，而爲親負米百里之外，親沒之後，南遊於楚，從車百乘，積粟萬鍾^②，累茵^③而坐，列鼎^④而食，願食藜藿爲親負米之時，不可復得也！枯魚銜索，幾何不蠹^⑤，二親之壽，忽如過隙，草木欲長，霜露不使，賢者欲養，二親不待，故曰：家貧親老，不擇祿而仕也。』

① 藜藿皆草名。

② 鍾，古量名，受六斛四斗。

③ 茵，車重席也。

④ 鼎，烹飪之器。

⑤ 枯魚銜索，幾何不蠹。

不蠹，謂以索貫枯魚之口而售之，不久生蠹，以喻年邁之二親，與枯乾之魚無異，條將就木也。

伯禽與康叔封朝於成王，^①見周公，^②三見而三答，康叔有駭色，謂伯禽曰：

『有商子者，賢人也，與子見之。』^③康叔封與伯禽見商子曰：『某某也，日，吾二子

者朝乎成王，見周公，三見而三答，其說何也？商子曰：『二子盍相與觀乎南山之陽，有木焉，名曰橋。』二子者往觀乎南山之陽，見橋竦焉。實而仰，反以告乎商子，商子曰：『橋者，父道也。』商子曰：『二子盍相與觀乎南山之陰，有木焉，名曰梓。』二子者往觀乎南山之陰，見梓勃焉。實而俯，反以告商子，商子曰：『梓者，子道也。』二子者明日見乎周公，入門而趨，登堂而跪，周公拂其首，勞而食之曰：『安見君子？』二子對曰：『見商子。』周公曰：『君子哉商子也！』

①伯禽，周公子。康叔封武王弟，康畿內國名，封其名也，始封於康，故稱康叔。成王名誦，武王子。②周

公名旦，武王弟。③商子，一說名高；一說，卽紂之賢臣商容。『與子』下一本有『往』字。④竦焉，高聳

貌。⑤橋，一作『仰』。⑥勃焉，興起貌。⑦梓，一作『俯』。

孟子曰：『人知糞其田，莫知糞其心，糞田莫過利苗得粟，糞心易行而得其所欲，何謂糞心，博學多聞，何謂易行，一性止淫也。』

孔子曰：『可以與人，終日而不倦者，其惟學乎！其身體不足觀也，其勇力

足憚也，其先祖不足稱也，其族姓不足道也，然而可以聞四方而昭於諸侯者，其惟學乎！詩曰：「不僭不亡，率由舊章。」○夫學之謂也。

①人，一作「言」。○詩大雅假樂章之語，原作「不愆不忘，率由舊章。」不愆不忘，不過誤，不遺失也。

率，循也。舊章，先王之禮樂政刑也。

晉平公○問於師曠○曰：「吾年七十，欲學，恐已暮矣。」師曠曰：「何不炳燭乎？」平公曰：「安有爲人臣而戲其君乎？」師曠曰：「盲臣○安敢戲（其）君，（乎）臣聞之：少而好學，如日出之陽；壯而好學，如日中之光；老而好學，如炳燭之明；炳燭之明，孰與昧行乎？」○平公曰：「善哉！」

○晉平公，名彪，悼公子。○師曠，樂師，名曠，字子野。○炳，明也。○古，人目盲，多習樂，師曠亦盲者，

故自稱盲臣。○孰，與昧行言較昏行者何如。

甯越，中牟鄙人○也，苦耕之勞，謂其友曰：「何爲而可以免此苦也？」友曰：「莫如學。」二十年，則可以達矣。甯越曰：「請十五歲，人將休，吾（將）不敢休，

人將臥，吾不敢臥。』十三歲學而周威公。師之。夫走者之速也，而過二里止，步者之遲也，而百里不止，今甯越之材而久不止，其爲諸侯師，豈不宜哉！

○中牟，今河南湯陰縣。鄙人，邊鄙之人。○周考王之時，封弟揭於河南，是爲西周桓公。威公，桓公之子也。

孔子謂子路曰：『汝何好？』子路曰：『好長劍。』孔子曰：『非此之問也。請以汝之所能加之以學，豈可及哉！』子路曰：『學亦有益乎？』孔子曰：『夫人君無諫臣則失政，士無教交，則失德，狂馬不釋其策，操弓不返於檠，木受繩則直，人受諫則聖，受學重問，孰不順成。』毀仁惡士，且近於刑，君子不可以不學。』子路曰：『南山有竹，弗揉，自直，斬而射之，通於犀革，又何學爲乎？』孔子曰：『括而羽之，鏃而砥礪之，其入不益深乎？』子路拜曰：『敬受教哉！』

○教交，能教戒之朋交也；一作『教友』。

○謂御狂馬不能釋鞭策。

○檠，榜也，所以正弓，無則弓

反仰矣。

○謂能降志以學問於人，孰不順成其志。

○揉，矯揉也。

○犀革，犀牛皮所製之甲，最堅。

①括箭幹。括而羽之，加羽於括也。

②鏃箭鏃。砥礪皆磨刀石，引申爲磨治之意。

子路問於孔子曰：『請釋古之學，而行由之意，可乎？』孔子曰：『不可。昔者東夷慕諸夏之義，有女，其夫死，爲之內私壻，終身不嫁，不嫁則不嫁矣，然非貞節之義也；蒼梧之弟，娶妻而美好，請與兄易，忠則忠矣，然非禮也；今子欲釋古之學而行子之意，庸知子不用非爲是，用是爲非乎？不順。其初雖欲悔之，難哉！』

③學，一作『道』。

④蒼梧之弟，一作蒼梧嬈；又作蒼梧繞。

⑤忠，一作『讓』，下同。

⑥順與『慎』通。

齊桓公問管仲曰：『王者何貴？』曰：『貴天。』桓公仰而視天，管仲曰：『所謂天者，非謂蒼蒼莽莽之天也，君人者以百姓爲天，百姓與之則安，輔之則強，非之則危，背之則亡。』詩云：『人而無良，相怨一方。』民怨其上，不遂亡者，未之有也。

⑦齊桓公名小白，春秋時五霸之首。

⑧詩小雅角弓章之語，原作『民之無良，相怨一方。』言民之

無善心者，相居一處而怨懟之。

立節

楚伐陳，陳西門燔，因使其降民修之。孔子過之，不軾。○子路曰：『禮，過三人則下車，過二人則軾，今陳修門者人數衆矣，夫子何爲不軾？』孔子曰：『丘聞之：國亡而不知，不智；知而不爭，不忠；忠而不死，不廉。今陳修門者不行一於此，丘故不爲軾也。』

○軾與『式』同，敬也，蓋軾爲車前橫木，男子立乘，有所敬，則俯而憑軾，故以軾爲敬名。

○子路一

作子貢。

孔子見齊景公，○景公致廩丘以爲養，○孔子辭不受。出，謂弟子曰：『吾聞君子當功以受祿，今說景公，景公未之行，○而賜我廩丘，其不知丘亦甚矣！』遂辭而行。

○齊景公名杵臼。○廩丘齊地，故城在今山東范縣。養，一作『簞』。○今說二句，一作『今吾言

於齊君，齊君未之有行。』

曾子○衣弊衣以耕，魯君使人往致邑焉，曰：『請以此修衣。』曾子不受。反復往，又不受。使者曰：『先生非求於人，人則獻之，奚爲不受？』曾子曰：『臣聞之：受人者畏人，予人者驕人。縱子有賜，不我驕也，我能勿畏乎？』終不受。孔子聞之，曰：『參之言足以全其節也。』

○曾子名參，字子輿，孔子弟子。○不動於利，物莫之驕，而已無所畏，故能全其節。

子思○居於衛，緼袍無表。○二三旬而九食。田子方○聞之，使人遺狐白之裘，○恐其不受，因謂之曰：『吾假人，遂忘之，吾與人也，如棄之。』子思辭而不受。子方曰：『我有子無，何故不受？』子思曰：『伋聞之：妄與不如遺棄物於溝壑。』
伋雖貧也，不忍以身爲溝壑，是以不敢當也。』

○子思名伋，孔子孫，鯉之子也。○緼袍，枲麻所製之袍，表，上衣也。○田子方名無擇，戰國時賢人。

④狐白之裘，狐腋白毛所集而成。

越甲至齊，雍門子狄請死之。齊王曰：「鼓鐸之聲未聞，矢石未交，長兵未接，子何務死之爲？人臣之禮耶？」雍門子狄對曰：「臣聞之昔者王田於囿，左轂鳴，車右請死之，而王曰：『子何爲死？』車右對曰：『爲其鳴吾君也。』王曰：『左轂鳴者，工師之罪也，子何事之有焉？』車右曰：『臣不見工師之乘，而見其鳴吾君也。』遂刎頸而死。知有之乎？」齊王曰：「有之。」雍門子狄曰：「今越甲至，其鳴吾君也，豈左轂之下哉！車右可以死左轂，而臣獨不可以死越甲也。」遂刎頸而死。是日，越人引甲而退七十里，曰：「齊王有臣鈞，如雍門子狄，擬使越社稷不血食。」遂引甲而歸。齊王葬雍門子狄以上卿之禮。

①鐸，大鈴也，匡以銅爲之，木舌爲木鐸，金舌爲金鐸，此謂金鐸，所以通鼓。②轂，車輪中心圓木。

③車右，武士執兵居車之右者。④乘，駕也。⑤知有之乎，猶言「不知有之否」。⑥鈞，與「均」同。

⑦古者取血營以祭，故謂享祭爲血食，不血食，謂絕祀也。

楚人將與吳人戰。○楚兵寡而吳兵衆，楚將軍子囊○曰：『我擊此國必敗，辱君虧地，忠臣不忍爲也。』不復於君。○黜兵而還。至於國郊，使人復於君曰：『臣請死！』君曰：『子大夫之遁也，以爲利也，而今誠利，子大夫毋死！』子囊曰：『遁者無罪，則後世之爲君臣者，皆入○不利之名而效臣遁，若是，則楚國終爲天下弱矣，臣請死！』退而伏劍。君曰：『誠如此，請成子大夫之義！』乃爲桐棺三寸，○加斧質○其上，以徇於國。

○魯襄公十四年事。

○子囊，莊王子公子貞也。

○君，康王招也。

○入，一作『依』。

○五，桐棺桐木

所製棺，下材也。三寸，木之厚度。

○質，榱也，古刑置人榱上，以斧斫之。

燕昭王使樂毅伐齊，閔王亡。○燕之初入齊也，聞蓋邑○人王歆賢，令於軍曰：『環蓋三十里，毋入！』——以歆之故。——已而使人謂歆曰：『齊人多高子之義，吾以子爲將，封子萬家。』歆固謝燕人，燕人曰：『子不聽，吾引三軍而屠蓋邑！』王歆曰：『忠臣不事二君，貞女不更二夫，齊王不聽吾諫，故還而耕於野，國

既破亡，吾不能存，今又劫之以兵爲君將，是助桀爲暴也；與其生而無義，固不如烹！遂懸其軀於樹枝，自奮絕脰③而死。齊亡大夫聞之，曰：『王歎布衣，義猶不背齊，向燕，況在位食祿者乎！』乃相聚如莒，求諸公子，立爲襄王。

① 閔王名地，一作遂，立四十年而爲燕所破，走莒，楚將淖齒以兵救齊，遂殺之。② 蓋，讀如蛤（《玉》）蓋邑，齊下邑，漢時屬泰山郡。③ 脰，頸也。絕脰，斷頸。④ 襄王名法章，閔王子。

貴德

武王克殷，召太公而問曰：『將奈其士衆何？』太公對曰：『臣聞：愛其人者，兼屋上之烏，憎其人者，惡其餘胥。咸劉厥敵，使靡有餘，何如？』王曰：『不可。』太公出，邵公入，王曰：『爲之奈何？』邵公對曰：『有罪者殺之，無罪者活之，何如？』王曰：『不可。』邵公出，周公入，王曰：『爲之奈何？』周公曰：『使各居其宅，田其田，無變舊新，惟仁是親，百姓有過，在予一人。』武王曰：『廣大乎？平天下矣！』凡所以貴士君子者，以其仁而有德也。

○烏疑爲屋飾，如後世鴟吻之類。○餘胥，一作『儲胥』，又作『胥餘』，里落之壁。○劉，殺也。○邵公名奭，與周同姓，助武王滅紂，封於燕。

季康子○謂子游○曰：『仁者愛人乎？』子游曰：『然。』『人亦愛之乎？』子

游曰：『然』。康子曰：『鄭子產死，鄭人丈夫舍玦珮，婦人舍珠珥，夫婦巷哭，三月不聞竽琴之聲，仲尼之死，吾不聞魯國之愛夫子，奚也？』子游曰：『譬子產之與夫子，其猶浸水之與天雨乎？浸水所及則生，不及則死，斯民之生也，必以時雨，既以生，莫愛其賜，故曰：譬子產之與夫子也，猶浸水之與天雨乎？』

○季康子魯大夫，姓季孫，名肥，諡曰康。
○子游，姓言，名偃，孔子弟子。
○玦，珮皆玉佩也，玦爲半環形。
○珥，珠玉之耳飾。
○竽，笙屬。
○斯，一作『計』。

楚王問莊辛曰：『君子之行奈何？』莊辛對曰：『居不爲垣牆，人莫能毀傷，行不從周衛，人莫能暴害，此君子之行也。』楚王復問：『君子之富奈何？』對曰：『君子之富，假貸人，不德也，不責也，其食飲人，不使也，不役也，親戚愛之，衆人喜之，不肖者事之，皆欲其壽樂而不傷於患，此君子之富也。』楚王曰：『善。』

○莊辛，戰國時楚人。

復恩

秦穆公嘗出而亡其駿馬，自往求之，見人已殺其馬，方共食其肉。穆公謂曰：『是吾駿馬也。』諸人皆懼而起。穆公曰：『吾聞食駿馬肉不飲酒者殺人。』即以次飲之酒。殺馬者皆慙而去。居三年，晉攻秦，穆公圍之。往時食馬肉者相謂曰：『可以出死報食馬得酒之恩矣。』遂潰圍，穆公卒得以解難勝晉，獲惠公以歸。此德出而福反也。

○秦穆公名任好，春秋時霸主之一。○是卽韓之戰，魯僖公十五年事。○韓之戰，穆公幾爲晉獲，後反獲晉惠公以歸，旋仍歸之於晉。惠公名夷吾，文公之弟，先文公反國而立者也。

楚莊王賜羣臣酒。日暮，酒酣，燈燭滅，乃有人引美人之衣者，美人援絕其冠纓，告王曰：『今者燭滅，有引妾衣者，妾援得其冠纓持之，趣火來上，視絕纓者！』

王曰：『賜人酒使醉失禮，奈何欲顯婦人之節而辱士乎！』乃命左右曰：『今日與寡人飲，不絕冠纓者不懼！』羣臣百有餘人，皆絕去其冠纓而上火。卒盡懼而罷。居三年，晉與楚戰，有一臣常在前，五合五奮，獲甲首却敵，卒得勝之。莊王怪而問曰：『寡人德薄，又未嘗異子，子何故出死不疑如是？』對曰：『臣當死！往者醉失禮，王隱忍不〔加〕暴而誅也，臣終不敢以〔蔭〕陰蔽之德而不顯報王也，常願肝腦塗地，用頸血滿敵久矣！臣乃夜絕纓者也。』遂敗晉軍，楚得以強。此有陰德者必有陽報也。

○漣音箭（平一弓），汗灑之也。

鮑叔死，管仲舉上衽而哭之，泣下如雨。從者曰：『非君父子也，此亦有說乎？』管仲曰：『非夫子所知也。吾嘗與鮑子負販於南陽，○吾二辱於市，鮑子不以我爲怯，知我之欲有所明也；鮑子嘗與我有所說王者，○而三不見聽，鮑子不以我爲不肖，知我之不遇明君也；鮑子嘗與我臨財分貨，吾自取多者三，鮑子不

以我爲貪，知我之不足於財也；生我者父母，知我者鮑子也！士爲知己者死，而況爲之哀乎！

○古時外袍之內衣，其袖特長，可卷覆於袍袖，是即所謂上衽也。

○南陽，齊地。今山東鄒縣治。

王者一說衍，一說『王』疑『主』之誤。

吳赤市○使於智氏，假道於衛。〔甯〕南文子具紵絺○三百製，將以送之。大夫豹曰：『吳雖大國也，不壞交假之道，則亦敬矣，又何禮焉？』〔甯〕南文子不聽，遂致之。吳赤市至於智氏，既得事，○將歸吳。智伯命造舟爲梁。○吳赤市曰：『吾聞之：天子濟於水，造舟爲梁，諸侯維舟⑤爲梁，大夫方舟⑥，方舟，臣之職也，且敬太甚，必有故！』使人視之，視則用兵在後矣，將以襲衛。吳赤市曰：『衛假吾道而厚贈我，我見難而不告，是與爲謀也。』稱疾而留，使人告衛。衛人警戒。智伯聞之，乃止。

市即『黻』字。

○紵，麻屬所織之布。絺，音恥（①），平聲，細葛布。

○既得事，言使事既畢也。

○梁

橋也。⑤維舟以舟連結之。⑥方舟二舟相並也。

魏文侯與田子方語，有兩童子衣青白衣而侍於君前。子方曰：『此君之寵子乎？』文侯曰：『非也，其父死於戰，此其幼孤也。寡人收之。』子方曰：『臣以君之賊心爲足矣，今滋甚，君之寵此子也，又且以誰之父殺之乎？』文侯愀然曰：『寡人受令矣！』自是以後，兵革不用。

①寵子爲所寵愛之童子。②賊心爲足，害人之心爲已足。今滋甚，言今乃益甚。君寵此子，又且以誰之父殺之，謂君寵此子，又將殺誰之父。田子方以文侯寵待戰死者之後，欲使他人之生者，益生感激之心，致死作戰，故爲此言以折之也。③命，一作『命』。

吳起 ①爲魏將，攻中山。軍人有病疽者，吳子自吮其膿，其母泣之。旁人曰：『將軍於而②子如是，尙何爲泣。』對曰：『吳子吮此子父之創而殺③之於注水④之戰，戰不旋踵而死，今又吮之，安知是子何戰而死⑤是以哭之矣。』

①吳起，戰國時衛人，善用兵，先事魏，後事楚。②而，汝也。③殺致之死也。④注水，水名或地名，未

。⑤安知是子何戰而死，安知是子不亦心感將軍，將以何戰舍命酬恩也。

政理

公叔文子爲楚令尹○三年，民無敢入朝。公叔子見曰：『嚴矣！』文子曰：『朝廷之嚴也，寧云妨國家之治哉？』公叔子曰：『嚴則下暗，○下暗則上聾，聾暗不能相通，何國之治也？蓋聞之也。順針縷者成帷幕，合升斗者實倉廩，并小流而成江海。明主者，有所受命而不行，未嘗有所不受也。』

○令尹，春秋時楚執政者之官。

○暗，音音（一），口不能言也。

衛靈公○問於史鮪○曰：『政孰爲務？』對曰：『大理○爲務，聽獄不中，死者不可生也，○斷○繼者不可屬也，○故曰大理爲務。』少焉，子路見公，公以史鮪言告之。子路曰：『司馬○爲務，兩國有難，兩軍相當，司馬執枹○以行之，一鬪不當，死者數萬，以殺人爲非也，此其爲殺人亦衆矣，故曰司馬爲務。』少焉，子貢

人見，公以二子言告之。子貢曰：『不識哉！昔禹啟與有扈氏戰，^⑧三陳而不服，禹啟於是修教一年，而有扈氏請服，故曰：去民之所事，奚獄之所聽，兵革之不陳，奚鼓之所鳴，故曰教爲務也。』

○衛靈公名元。○鮪，音秋（ㄅㄨㄟ ㄩㄥˋ）；史鮪，衛大夫，字子魚，以直諫名。○務，注重之意。○大理，掌

刑法之官。○^⑨綏，古『絕』字，屬連也，續也。○^⑩司馬，掌軍旅之官。○^⑪枹，音夫（ㄈㄨ ㄨ），擊鼓杖也。○^⑫

啓，禹之子，有扈，古國名，今陝西鄂縣。

齊桓公出獵，逐鹿而走入山谷之中，見一老公，而問之曰：『是爲何谷？』

對曰：『爲愚公之谷。』桓公曰：『何故？』對曰：『以臣名之。』桓公曰：『今視公

之儀狀，非愚人也，何爲以公名？』對曰：『臣請陳之，臣故畜犝牛，生子而大，賣

之而買駒，少年曰：『牛不能生馬。』遂持駒去，傍鄰聞之，以臣爲愚，故名此谷爲愚

公之谷。』桓公曰：『公誠愚矣！夫何爲而與之？』桓公遂歸，明日朝，以告管仲、管

仲正衿再拜曰：『此夷吾之愚也，使堯在上，咎繇爲理，安有取人之駒者乎？若

有見暴如是叟者，又必不與也。公知獄訟之不正，故與之耳。請退而修政！孔子曰：『弟子記之！桓公，霸君也。管仲，賢佐也。猶有以智爲愚者也，况不及桓公管仲者也！』

○公，一作『父』。

○特，音自（尸）特牛牝牛。

○咎絲，卽臯陶，舜士官，明五刑，弼五教。理刑法之官。

魯哀公○問政於孔子，孔子對曰：『政有使民富且壽。』哀公曰：『何謂也？』

孔子曰：『薄賦斂則民富，無事則遠罪，遠罪則民壽。』公曰：『若是，則寡人貧矣。』

孔子曰：『詩云：「凱愷悌君子，民之父母。」○未見其子富而父母貧者也。』

○魯哀公名蔣。

○詩大雅洞酌章語。愷悌，樂易也。

文王問於呂望○曰：『爲天下若何？』對曰：『王國富民，霸國富土，僅存之

國富大夫，亡道之國富倉府。○是謂上溢而下漏。』文王曰：『善。』對曰：『宿善

不祥。』是日也，發其倉府以振鰥寡孤獨。○

○呂望，卽太公姜尚也，封於呂，故亦以呂稱其姓。年老始遇文王，文王大悅之，曰：『吾太公望子久矣！』

呂號曰太公望，而名爲呂望焉。

○倉府藏財穀之所。

○振救濟也。老而無妻曰鰥，老而無夫曰寡。

幼而無父曰孤，老而無子曰獨。

武王問於太公曰：『治國之道若何？』太公對曰：『治國之道，愛民而已。』

曰：『愛民若何？』曰：『利之而勿害，成之勿敗，生之勿殺，與之勿奪，樂之勿苦，喜之勿怒，此治國之道，使民之誼也。愛之而已矣；民失其所務，則害之也，農失其時，則敗之也，有罪者重其罰，則殺之也，重賦斂者，則奪之也，多徭役，○以罷民力，則苦之也，勞而擾之，則怒之也。故善爲國者，遇民如父母之愛子，兄之愛弟，聞其饑寒爲之哀，見其勞苦爲之悲。』

○民以其力服役於公，謂之徭役，所謂力役之征是也。

武王問於太公曰：『爲國而數更法令者，何也？』太公曰：『爲國而數更法令者，不法法，○以其所善爲法者也，故令出而亂，亂則更爲法，是以其法令數更也。』

○不法法，不以所立之法爲法也。

公儀休○相魯。魯君○死，左右請閉門。○公儀休曰：『止池淵○。吾不稅，蒙山○。吾不賦，苛令吾不布，吾已閉心○矣，何閉於門哉！』

○公儀休，公儀姓，休名，戰國時魯之賢相。

○魯君，穆公顯也。

○左右請閉門，懼君死而有亂也。

○池淵，一說，疑作『蛇淵』，蛇卽俗『蛇』字，圍名，春秋魯宣公十三年經云：『築蛇淵圍』。

○蒙山，魯

山名，在今山東費縣西北。

○閉心，謂絕爲惡之心，不慮其亂也。

魏文侯使西門豹○往治於鄴，○告之曰：『必全功成名布義！』豹曰：『敢

問全功成名布義，爲之奈何？』文侯曰：『子往矣！是無邑不有賢豪辨博者也，無

邑不有好揚人之惡蔽人之善者也，往必問豪賢者因而親之，其辨博者因而師

之，問其好揚人之惡蔽人之善者因而察之，不可以特聞從事；○夫耳聞之不如

目見之，目見之不如足踐之，足踐之不如手辨之。人始入官，如入晦室，久而愈明，

明乃治，治乃行。』

○西門豹，戰國時魏之名吏。○魏地在今河南臨漳縣境。○特聞從事，謂有聞即行，不細察也。

孔子謂宓子賤曰：『子治單父，而衆說，語丘，所以爲之者！』曰：『不

齊父其父，子其子，恤諸孤而哀喪紀。』孔子曰：『善，小節也，小民附矣，猶未足

也。』曰：『不齊也。』所父事者三人，所兄事者五人，所友者十一人。』孔子曰：『父

事三人，可以教孝矣；兄事五人，可以教弟矣；友十一人，可以教學矣。中節也，中

民附矣，猶未足也。』曰：『此地民有賢於不齊者五人，不齊事之，皆教不齊所以

治之術。』孔子曰：『欲其大者，乃於此在矣！昔者堯舜清微，其身以聽觀天下，

務來賢人，夫舉賢者，百福之宗也，而神明之主也。不齊之所治者小也，不齊

所治者大，其與堯舜繼矣！』

○宓音伏（ㄇㄨˋ），姓也；宓子賤，名不齊，孔子弟子。單，音丹（ㄉㄢ），單父古地名，故城在今山東單縣南。

○丘，孔子名。○喪紀，喪事也。○友所以輔仁，上行而下效，故曰教學，一作『舉善』。○清，視清

明也。微，自視卑小之意。○本句一作『務求賢以自輔』。○一本此句之首有『惜乎』二字。○一

本無『與』字。

宓子賤爲單父宰。過於陽晝，曰：『子亦有以送僕乎？』陽晝曰：『吾少也賤，不知治民之術，有釣道二焉，請以送子！』子賤曰：『釣道奈何？』陽晝曰：『夫扳綸錯餌，○迎而吸之者，陽橋○也，其爲魚薄而不美；若存若亡，若食若不食者，魴也，其爲魚也博而厚味。』宓子賤曰：『善。』於是未至單父，冠蓋迎之者交接於道，子賤曰：『車驅之！車驅之！夫陽晝之所謂陽橋者至矣。』於是至單父，請其耆老尊賢者而與之共治單父。

○扳與『攀』同，一作『投』。綸，釣絲也。錯，讀如『措』，施布也。餌，音二（兒），上聲，魚食也。○陽橋，一作陽

鱗，又作陽喬，魚名，卽白條魚。

孔子弟子○有孔蔑者，與宓子賤皆仕。孔子往過孔蔑，問之曰：『自子之仕者，何得何亡？』孔蔑曰：『自吾仕者，未有所得，而有所亡者三：曰，王事若襲，○學焉得習，以是學不得明也，所亡者一也；奉祿少，○鬻鬻○不足及親戚，親戚益

疏矣，所亡者二也；公事多急，不得弔死視病，是以朋友益疏矣，所亡者三也。『孔子不說，而復往見子賤曰：『自子之仕，何得何亡？』子賤曰：自吾之仕，未有所亡，而所得者三：始誦之文，今履而行之，是學日益明也，所得者一也；奉祿雖少，〔鬻〕鬻得及親戚，是以親戚益親也，所得者二也；公事雖急，夜勤弔死視病，是以朋友益親也，所得者三也。』孔子謂子賤曰：『君子哉！若人！君子哉！若人！魯無君子也，斯焉取斯！』』

弟^{△△}子[△]，一作『兄子』。○襲^{△△}，前後相因，言其忙迫也。○鬻^{△△}，即『餽粥』之古字。○若^{△△}人[△]，猶言是人也，一作『者』。斯焉取斯，謂魯如無君子，子賤安能學得此君子之榜樣。

子路治蒲，見於孔子曰：『由願受教！』孔子曰：『蒲多壯士，又難治也；然，吾語汝：恭以敬，可以攝；○勇寬以正，可以容衆；恭以潔，可以親上。』

○攝[△]與『攝』同。

子貢爲信陽，○令，辭孔子而行。孔子曰：『力之順之，○因〔子〕天之時，無奪！』

無伐無暴無盜！』子貢曰：『賜少而事君子，君子固有盜者耶？』孔子曰：『夫以不肖〔伐〕代賢，③是謂奪也；以賢〔伐〕代不肖，④是謂伐也；緩其令，急其誅，是謂暴也；取人善以自爲己，是謂盜也；君子之盜，豈必當財幣乎！吾聞之曰：知爲吏者，奉法⑤利民，不知爲吏者，枉法以侵民，此皆怨之所由生也。⑥』

①信陽，春秋楚地，在今河南。

②力，勤力，順卽慎也。

③以不肖代賢，一作『以賢代賢』。

④以賢代

不肖，一作『以不肖代賢』。

⑤『法』下一本有『以』字。

⑥『皆』字『生』字一本無。

楊朱①見梁王，言治天下如運諸掌然。梁王曰：『先生有一妻一妾不能治，三畝之園不能芸，②言治天下如運諸手掌，何以？』楊朱曰：『〔臣〕誠有之。君不見夫羊乎？百羊而羣，使五尺童子，荷杖而隨之，欲東而東，欲西而西；君且使堯牽一羊，舜荷杖而隨之，則亂之始也。臣聞之：夫吞舟之魚不遊淵，③鴻鵠高飛，不就汗池，何則，其志極遠也；黃鍾大呂，④不可從繁奏之舞，何則，其音疏也。將治大者不治小，成大功者不小苛，⑤此之謂也。』

○楊朱字子居，其學『爲我』，言古人損一毫利天下，不與，悉天下奉一人，不取，人人不損一毫，人人不利天下，則治。孟子斥爲異端，辭而闕之。○芸，去草也，謂治也。○淵，曲水，言其小也。○黃鍾大呂，

皆音律名。○五，小苛，苛求於小處也。

景差○相鄭，鄭人有冬涉冰者，出而脛寒，後景差過之，下陪乘○而載之，覆以上衽。叔向○聞之曰：『景子爲人國相，豈不固○哉！吾聞良吏居○之三月而溝渠○修，十月而津梁○成，六畜○且不濡足，而況人乎！』

○戰國時有一景差，楚人，此景差當別爲一人，或竟假其名耳。○下，使之下也。陪乘，與尊者同乘之

人。○叔向，晉賢大夫，羊舌氏，名肸。○四，固，專滯之意。○五，居，一作『君』。○六，渠，水所居也。○七，津，濟

渡處；津，梁，立橋川上，以便行人之往來也。○八，六畜，馬、牛、羊、雞、犬、豕也。

晉文公時，翟○人有封狐文豹○之皮者，文公喟然歎曰：『封狐文豹何罪哉，以其皮爲罪也！』大夫欒枝○曰：『地廣而不平，財聚而不散，獨非狐豹之罪乎？』文公曰：『善哉！說之！』欒枝曰：『地廣而不平，人將平之，財聚而不散，人將

爭之。於是列^④地以分民，散財以賑貧。

①翟與『狄』同。

②封，一作『蓬』，封狐大狐文豹豹皮斑爛有文采，故稱。

③樂枝，晉大夫，諡貞子。

④列，同『裂』。

延陵季子○游於晉。入其境，曰：『嘻！暴哉國乎！』入其都，曰：『嘻！力屈哉國乎！』立其朝，曰：『嘻！亂哉國乎！』從者曰：『夫子之入晉境，未久也，何其名之不疑也？』延陵季子曰：『然。吾入其境，田畝荒穢而不〔休〕蓂，○雜增○崇，高吾是以知其國之暴也；吾入其都，新室惡而故室美，新牆卑而故牆高，吾是以知其民力之屈也；吾立其朝，君能視而不下問，其臣善伐而不上諫，吾是以知其國之亂也。』

○延陵季子，名札，封於延陵，吳王壽夢之少子，故稱；延陵，今江蘇武進縣也。

○蓂，音蒿（尸么），除草也。

○增，一作『檜』，北地高樓無屋者也。

尊賢

齊桓公設庭燎，^①爲士之欲造見者。朞年而士不至，於是東野鄙人有以九九之術見者。桓公曰：『九九何足以見乎？』鄙人對曰：『臣非以九九爲足以見也，臣聞主君設庭燎以待士，朞年而士不至，夫士之所以不至者，以君天下賢君也，四方之士皆自以〔論而〕不及君，故不至也；夫九九，薄能耳，而君猶禮之，況賢於九九者乎。夫太山不辭壤石，江海不逆^②小流，所以成大也。詩云：「先民有言，詢于芻蕘。」^④言博謀也。』桓公曰：『善。』乃因禮之。朞月，四方之士相攜而並至。詩曰：『自堂徂基，自羊徂牛。』^⑤言以內及外，以小及大也。

①庭燎，燃薪火於門內以照衆也。

②九九，算法名。

③不逆，順受之也。

④詩大雅板章語。先民，古

之賢人。芻蕘，采薪者。

⑤詩周頌綠衣章語。基，門塾之基。

孔子閒居，喟然而歎曰：『銅鞮伯華[○]而無死，天下其有定矣！』子路曰：『願聞其爲人也何若？』孔子曰：『其幼也敏而好學；其壯也，有勇而不屈；其老也，有道而能以下人。』子路曰：『其幼也敏而好學，則可；其壯也，有勇而不屈，則可；夫有道，又誰下哉？』孔子曰：『由不知也！吾聞之以衆攻寡，而無不消也；以貴下賤，無不得也；昔〔在〕者，周公且制天下之政，而下士七十人，豈無道哉？欲得士之故也。夫有道而能下於天下之士，君子乎哉！』

○銅鞮^{△△△}伯華^{△△△}晉大夫羊舌赤也，銅鞮^{△△△}晉地，今山西沁縣西南有銅鞮故城，爲赤封邑，伯華其字，故世號爲銅鞮伯華。

齊將軍田贖出將，張生郊送曰：『昔者堯讓許由以天下，洗耳而不受；[○]將軍知之乎？』曰：『唯然知之。』伯夷、叔齊辭諸侯之位而不爲，[○]將軍知之乎？』曰：『唯然知之。』於陵仲子[○]辭三公之位而傭爲人灌園，將軍知之乎？』曰：『唯然知之。』智過去君弟，變姓名免爲庶人，[○]將軍知之乎？』曰：『唯然知之。』孫

叔故三去相而不悔，^⑤將軍知之乎？』曰：『唯！然！知之。』此五大夫者，名辭之而實羞之；今將軍方吞一國之權，提鼓擁旗，被堅執銳，旋回十萬之師，擅斧鉞之誅，愼毋以士之所羞者驕士！』田疇曰：『今日諸君皆爲疇祖道具酒脯，而先生獨教之以聖人之大道，謹聞命矣！』

○許由字武仲，古隱者，堯以天下讓之，由不欲聞，而洗耳於潁水之濱。○伯夷、叔齊、孤竹君之二子，

父將歿，遺命立叔齊，父卒，二人交讓，皆不立而逃去，國人立其中子。○於陵仲子，卽陳仲子，以其居

於陵，故稱名子終，爲齊廉士。○智過，晉大夫智氏之族，智瑤立，過知智氏將亡，遂別族於太史，爲輔

氏；過，一作果。○孫叔敖，春秋時楚之名相，三進三退，無喜無悔。

魏文侯見段干木，○立倦而不敢息，及見翟璜，○踞堂而與之言，翟璜不說。

文侯曰：『段干木，官之則不肯，祿之則不受，今汝欲官則相至，欲祿則上卿，旣受

吾賞，又責吾禮，毋乃難乎？』

○段干姓，木名，戰國時魏人，守道不仕。○翟璜，與段干木同時，亦魏人，仕於魏文侯。

魯人攻鄆，曾子辭於鄆君曰：『請出，寇罷而後復來，請姑毋使狗豕入吾舍！』鄆君曰：『寡人之於先生也，人無不聞，今魯人攻我而先生去我，我胡守先生之舍！』魯人果攻鄆而數之罪十，而曾子之所爭者九。魯師罷，鄆君復修曾子舍而後迎之。

○鄆音通作『費』，讀如『祕』，魯邑，今山東費縣。

楊因音○見趙簡主曰：『臣居鄉三逐，事君三去，聞君好士，故走來見。』簡主聞之，絕食而歎，跽音而行，左右進諫曰：『居鄉三逐，是不容衆也，事君五去，是不忠上也，今君有士見過八矣。』簡主曰：『子不知也！夫美女者，醜婦之仇也，盛德之士，亂世所疏也，正直之門，邪枉所憎也。』遂出見之，因授以爲相而國大治。由是觀之，遠近之人，不可不察也。

○因音一作『回』。○跽音音技（4），跪也。○所見過之八士不詳。

應侯音○與賈子音子坐，聞其鼓琴之聲，應侯曰：『今日之琴，一何悲也！』賈

子曰：『夫張急調下，故使之悲耳。』（急張）張急者，良材也，調下者，官卑也，取夫良材而卑官之，安能無悲乎！應侯曰：『善哉！』

○應侯，^{△△}范睢也，相秦，封應侯。○于一作『午』。

子路問於孔子曰：『治國何如？』孔子曰：『在於尊賢而賤不肖。』子路曰：『范中行氏尊賢而賤不肖，其亡何也？』○曰：『范中行氏尊賢而不能用人，賤不肖而不能去也，賢者知其不己用而怨之，不肖者知其賤己而讐之，賢者怨之，不肖者讐之，怨讐並前，中行氏雖欲無亡，得乎？』

○范氏中行氏，皆晉大夫，范氏本姓士，以士會食采於范，其子孫遂爲范氏，中行氏本姓荀，以晉作三行禦敵，荀林父將中行，後遂以爲氏。范氏中行氏於魯定公十三年叛晉而亡，范氏之亡大夫名吉射，中行氏之亡大夫名寅。

正諫

吳王欲伐荆，告其左右曰：『敢有諫者死！』舍人^①有少孺子者，欲諫不敢，則懷丸操彈，遊於後園，露沾其衣，如是者三旦。吳王曰：『子來何苦？』沾衣如此。』對曰：『園中有樹，其上有蟬，蟬高居悲鳴飲露，不知螳螂在其後也；螳螂委身曲^②〔附〕^③欲取蟬，而不知黃雀在其傍也；黃雀延頸欲啄螳螂，而不知彈丸在其下也；此三者，皆務欲得其前利而不顧其後之有患也。』吳王曰：『善哉！』乃罷其兵。

①，舍人官名，掌宮政，蓋近侍之官也。

②苦，一作『露』。

③附，音夫〔ㄉㄨˋ〕，足背也。

楚莊王欲伐楊夏，^①師久而不罷，羣臣欲諫而莫敢。莊王獵於雲夢，^②椒舉進諫曰：『王所以多得獸者，馬也，而王國亡。』^④王之馬豈可得哉！』莊王曰：『善。』

不穀^⑤知詘^④強國之可以長諸侯也，知得地之可以爲富也，而忘吾民之不用也。明日飲諸大夫酒，以椒舉爲上客，罷陽夏之師。

○陽夏，今河南太康縣。○雲夢，澤名，本二澤，雲在江北，夢在江南，後悉爲邑居，聚落因并稱雲夢。

○椒舉，楚大夫，姓伍，邑於椒，故曰椒舉。○四而王國亡，一作「王之國亡」。○五不穀，古天子自稱。○六

詘與「屈」同，使屈服也。

趙簡子舉兵而攻齊，令軍中「有敢諫者罪至死！」被甲之士名曰公盧，望見簡子大笑，簡子曰：「子何笑？」對曰：「臣有宿笑。」簡子曰：「有以解之則可，無以解之則死！」對曰：「當桑之時，臣隣家夫與妻俱之田，見桑中女，因往追之，不能得，還反，其妻怒而去之，臣笑其曠也。」簡子曰：「今吾伐國失國，是吾曠也。」於是罷師而歸。

○宿笑，宿素可笑之事；宿，一作「夙」。○曠，謂其無妻也。

敬慎

孔子觀於周廟而有欵器[㊦]焉。孔子問守廟者曰：『此爲何器？』對曰：『蓋爲右坐[㊦]之器。』孔子曰：『吾聞右坐之器，滿則覆，虛則欵，中則正，有之乎？』對曰：『然。』孔子使子路取水而試之，滿則覆，中則正，虛則欵。孔子喟然歎曰：『嗚呼！惡有滿而不覆者哉！』子路曰：『敢問持滿有道乎？』孔子曰：『持滿之道，挹而損之。』子路曰：『損之有道乎？』孔子曰：『高而能下，滿而能虛，富而能儉，貴而能卑，智而能愚，勇而能怯，辯而能訥，博而能淺，明而能闇，是謂損而不極，能行此道，唯至德者及之。』易曰：『不損而益之，故損自損而終，故益。』[㊦]

① 欵，傾側；欵器，傾側之器。

② 右坐言可置坐右以爲戒；右，一作『宥』，義同，或曰『宥』與『侑』同，勸也。

③ 損益，易二卦名，損先而益後。

常縱○有疾，老子○往問焉，曰：『先生疾甚矣，無遺教可以語諸弟子者乎？』
常縱曰：『子雖不問，吾將語子。』常縱曰：『過故鄉而下車，子知之乎？』老子曰：『過故鄉而下車，非謂其不忘故耶？』常縱曰：『嘻！是已！』常縱曰：『過喬木而趨，子知之乎？』老子曰：『過喬木而趨，非謂敬老耶？』常縱曰：『嘻！是已！』張其口而示老子曰：『吾舌存乎？』老子曰：『然。』『吾齒存乎？』老子曰：『亡。』常縱曰：『子知之乎？』老子曰：『夫舌之存也，豈非以其柔耶？齒之亡也，豈非以其剛耶？』常縱曰：『嘻！是已！天下之事已盡矣，何以復語子哉！』

○縱，一作『縱』。

○老子，姓李，名耳，字伯陽，外字聃，故亦稱老聃，相傳母懷之八十一歲而生，故號爲

老子，爲周守藏史，見周衰，出函關隱去。

韓平子○問於叔向曰：『剛與柔孰堅？』對曰：『臣年八十矣，齒再墮而舌尚存，老聃有言曰：「天下之至柔，馳騁乎天下之至堅。」又曰：「人之生也柔弱，其死也剛強，萬物草木之生也柔脆，其死也枯槁。」因此觀之，柔弱生之徒也，

剛強者，死之徒也。夫生者毀而必復，死者破而愈亡，吾是以知柔之堅於剛也。」

平子曰：「善哉！然則子之行何從？」叔向曰：「臣亦柔耳，何以剛爲？」平子曰：「柔

無乃脆乎？」叔向曰：「柔者紐^①而不折，廉^②而不缺，何爲脆也？天之道，微者勝，

是以兩軍相加而柔者克之，兩仇爭利而弱者得焉。易曰：「天道虧滿而益謙，地

道變滿而流謙，鬼神害滿而福謙，人道惡滿而好謙。」^④夫懷謙不足之柔弱，而

四道者助之，則安往而不得其志乎？」平子曰：「善。」

^①韓平子名頃，平其諡，晉大夫，厥之孫，起之子；一作貞子。^②紐，拗結之意。^③廉，側居之義。^④易

謙卦之辭。『滿』本皆作『盈』，避漢惠帝諱，——惠帝名盈。——作『滿』。

曾子有疾，曾元抱首，曾華抱足。曾子曰：「吾無顏氏之才，何以告汝？」

雖無能，君子務益。^④夫華多實少者，天也；言多行少者，人也。夫飛鳥以山爲卑，而

層巢其巔，魚鼈以淵爲淺，而穿穴其中，然所以得^⑤者，餌也。君子苟能無以利害

身，^⑥則辱安從至乎！官怠於宦成，病加於少愈，禍生於懈惰，孝衰於妻子，察此四

者，慎終如始。詩曰：『靡不有初，鮮克有終。』⑤

○曾元，曾子之子。抱，一作「抑」，抑，按也。○曾華，亦曾子之子。抱持也。○顏氏，顏回也。字子淵，為孔

門高足弟子。④雖無能，君子務益，句似訛，他書引此事，本句作『然而君子之務，蓋有之矣。』⑤

所以得，所以為人所得也。⑥身，一作「義」。⑦詩大雅蕩章語。

孫叔敖 ○為楚令尹，一國吏民皆來賀。有一老父，衣麤衣，冠白冠，後來弔，孫

叔敖正衣冠而出見之，謂老父曰：『楚王不知臣不肖，使臣受吏民之垢。』人盡

來賀，子獨後來弔，豈有說乎？父曰：『有說。身已貴而驕人者，民去之；位已高而

擅權者，君惡之；祿已厚而不知足者，患處之。』孫叔敖再拜曰：『敬受命！願聞餘

教！』父曰：『位已高而意益下，官益大而心益小，祿已厚而慎不敢取，君謹守此

三者，足以治楚矣。』

○孫叔敖，楚人，為楚名相。○垢，同「詬」，言己不肖，政事之設施，當為吏民所詬責，讓辭也。

魏公子牟東行，穰侯送之曰：『先生將去冉之山東。』矣，獨無一言以

教冉乎？』魏公子牟曰：『微。』君言之，牟幾忘語。君知夫官不與勢期而勢自至乎？勢不與富期而富自至乎？富不與貴期而貴自至乎？貴不與驕期而驕自至乎？驕不與罪期而罪自至乎？罪不與死期而死自至乎？穰侯曰：『善。敬受明教。』

○穰，音讓（日尤），平聲。穰侯，秦昭王母之異父弟，姓魏，名冉，屢登相位，封於穰，故號曰穰侯。○戰國時，燕趙韓魏齊楚六國，稱山東諸侯，以其在崤函以東也。一說，謂太行山以東。○微，無也。

齊桓公爲大臣具酒，期以日中。管仲後至，桓公舉觴以飲之，管仲半棄酒，桓公曰：『期而後至，飲而棄酒，於禮可乎？』管仲對曰：『臣聞酒入舌出，舌出者言失，言失者身棄，臣計棄身不如棄酒。』桓公笑曰：『仲父，起就坐。』

○管仲之意，在戒公飲酒，約飲後期，小事不足道也。○桓公以管仲爲相，尊之曰父，故稱仲父。

孔子之周，觀於太廟。右陛之前，有金人焉，三緘其口而銘其背曰：『古之慎言人也。戒之哉！戒之哉！無多言，多言多敗；無多事，多事多患。安樂必戒，無行所悔。』○勿謂何傷，其禍將長；勿謂何害，其禍將大；勿謂何殘，其禍將然；勿謂莫聞，

天妖伺人。熒熒不滅，炎炎奈何；涓涓不塞，將成江河；絲絲不絕，將成網羅；青青不伐，將尋斧柯。④誠不能慎之，禍之根⑤也；曰「是何傷」⑥，禍之門也。強梁者不得其死；⑦好勝者必遇其敵。盜怨主人，⑧民害其貴。⑨君子知天下之不可蓋也，故後之下之。⑩使人慕之，執雌持下，莫能與之爭者。⑪人皆趨彼，我獨守此；衆人惑惑，我獨不〔從〕；徒內藏我知，不與人論技；我雖尊高，人莫〔害我〕。我害。⑫夫江河長百川⑬者，以其卑下也。天道無親，常與善人。戒之哉！戒之哉！」孔子顧謂弟子曰：「記之！此言雖鄙，而中事情；詩曰：『戰戰兢兢，如臨深淵，如履薄冰。』⑭行身如此，豈以口遇禍哉！」

①陞階也。

②金人，金屬所鑄之人。

③無行所悔，言行事有所悔者，後當引以爲戒，不可復行也。

④熒熒八句，皆言小不能慎，將成大患也。

⑤誠不二句，一無「不」字，「禍」則爲「福」。

⑥曰，一作

口，言若以口爲無害。

⑦語見老子。強梁，強橫之意。

⑧盜恐被盜之主有言，而不利於己，故常怨之。

⑨貴者必有以教民，而民不能盡從，故以爲害。

⑩蓋，掩蓋之意。君子二句，一作「君子知天下之

不可上也，故下之，知衆人之不可先也，故後之。

⊕使人三句，一作『溫恭慎德，使人慕之，執雌持

下，人莫踰之。』

雌，退藏之意。

⊕不與人論技，一作『不示人技。』

『此』『徙』『技』『害』協韻。

⊕川

一作『谷。』

⊕詩小雅小旻章語。戰戰恐也。兢兢戒也。

孔子行遊，中路聞哭者聲，其音甚悲，孔子曰：『驅之！驅之！前有異人音。』少

進見之，丘吾子[⊖]也，擁鎌帶索而哭。孔子辟[⊖]車而下問曰：『夫子非有喪也，何

哭之悲也？』丘吾子對曰：『吾有三失。』孔子曰：『願聞三失。』丘吾子曰：『吾

少好學問，周遍天下，還後吾親亡，一失也；事君奢驕，諫不遂，是二失也；厚交友而

後絕，三失也。樹欲靜乎風不定，子欲養乎親不待，往而不來者，年也，不可得再見

者，親也，請從此辭。』則自刎而死。孔子曰：『弟子記之！此足以爲戒也。』於是弟

子歸養親者十三人。⊕

⊖丘吾子，一作吾丘子，一說，吾丘子作虞丘子；又作皋魚。

⊖辟音闕（夕）除去也。

⊕十三人，一

作『十有三』。

孔子見羅者，其所得者，皆黃口也。孔子曰：『黃口盡得，大爵獨不得，何也？』羅者對曰：『黃口從大爵者不得，大爵從黃口者可得。』孔子顧謂弟子曰：『君子慎所從，不得其人，則有羅網之患。』

○黃口，雀子。

○爵，與『雀』通。

○大爵，善驚，黃口貪食，不得謂不得黃口，可得謂大爵可得。

顏回將西遊，問於孔子曰：『何以爲身？』孔子曰：『恭敬忠信，可以爲身。恭則免於罪，敬則人愛之，忠則人與之，信則人恃之，人所愛，人所與，人所恃，必免於患矣；可以臨國家，何況於身乎？故不比數而比疎，不亦遠乎！不修中而修外，不亦反乎！不先慮事，臨難乃謀，不亦晚乎！』

○比，音彼（夕一）近也；數，音朔（尸又己）急也；不比數而比疎，謂舍其切近於身者，而親疎遠者也。

成回學於子路三年，回恭敬不已。子路問其故何也，回對曰：『臣聞之：行者比於鳥，上畏鷹鷂，下畏網羅。夫人爲善者少，爲讒者多，若身不死，安知禍罪不施行年七十，常恐行節之虧，回是以恭敬待大命。』子路稽首曰：『君子哉！』

說苑敬慎

○大命[△]年壽之[△]限度。

善說

齊宣王○出獵於社山，社山父老十三人相與勞王。王曰：『父老苦矣！』謂左右：『賜父老田不租！』父老皆拜，閻丘先生不拜。王曰：『父老以爲少耶？』謂左右：『復賜父老無徭役！』父老皆拜，閻丘先生又不拜。王曰：『拜者去，不拜者前！』曰：『寡人今日來觀，父老幸而勞之，故賜父老田不租，父老皆拜，先生獨不拜，寡人自以爲少，故賜父老無徭役，父老皆拜，先生又獨不拜，寡人得無有過乎？』閻丘先生對曰：『惟聞大王來遊，所以爲勞大王，望得壽於大王，望得富於大王，望得貴於大王！』王曰：『夫殺生有時，非寡人所得與也，無以壽先生，倉廩雖實，以備災害，無以富先生，大官無缺，小官卑賤，無以貴先生。』閻丘先生對曰：『此非人臣所敢望也。願大王選良富家子有修行者以爲吏，平其法度，如此，臣少可』

以得壽焉；春秋冬夏，振之以時，無煩擾百姓，如是，臣可少得以富焉；願大王出令，令少者敬長，長者敬老，如是，臣可少得以貴焉。今大王幸賜臣田不租，然則倉廩將虛也，賜臣無徭役，然則官府無使焉，此固非人臣之所敢望也。」齊王曰：「善。願請先生爲相！」

○齊宣王名辟疆。

晉獻公○之時，東郭民有祖朝者，上書獻公曰：「草茅臣東郭氏祖朝，願請聞國家之計！」獻公使使出告之曰：「肉食者已慮之矣，藿食者尙何與焉？」○

祖朝對曰：「大王獨不聞古之將曰桓司馬者，朝朝其君，舉○而晏，御○呼車，駢○亦呼車，御肘其駢曰：「子何越云爲乎？何爲藉○呼車？」駢謂其御曰：「當呼者呼，乃吾事也，子當御，正子之轡銜○耳，子今不正轡銜，使馬卒然驚，妄轢○道中，行人必逢大敵，下車免劍，涉血履肝者，固吾事也，子寧能解子之轡，下佐我乎！其禍亦及吾身，與有深憂，吾安得無呼車哉！」今大王曰：「食肉者已慮之矣，藿食

者尙何與焉。」設使食肉者一旦失計於廟堂之上，若臣等之藿食者，寧得無肝膽塗地於中原之野！與其禍亦及臣之身，臣與有其憂深，臣安得無與國家之計乎！獻公召而見之，三日與語無復^⑨（憂）者，乃立以爲師也。

① 晉獻公，名詭諸，文公父也。

② 肉食者，指大臣。藿食者，指平民。

③ 舉起出也。

④ 御，駕車馬者。

⑤ 驂，車右陪乘者。

⑥ 藉，助也。

⑦ 轡，馬韉。銜，馬勒口也。

⑧ 轆，音歷（力），車所踐也。

⑨ 復，與「

復」同。

客謂梁王曰：「惠子^①之言事也，善譬，王使無譬，則不能言矣。」王曰：「諾。」明日見，謂惠子曰：「願先生言事，則直言耳，無譬也。」惠子曰：「今有人於此而不知彈者，曰：『彈之狀何若？』應曰：『彈之狀如彈。』則諭乎？」王曰：「未諭也。」於是更應曰：「彈之狀如弓，而以竹爲弦。」^②則知乎？」王曰：「可知矣。」惠子曰：「夫說者固以其所知諭其所不知而使人知之，今王曰『無譬』，則不可矣。」王曰：「善。」

○惠子名施，戰國時宋人，爲梁相，善辯。○古以弓之能發丸擊物者，渾名曰彈。

魏文侯與大夫飲酒，使公乘不仁爲觴政。○曰：「飲不釔者，浮以大白！」○

文侯飲而不盡釔，公乘不仁舉白浮君，君視而不應。侍者曰：「不仁退！君已醉矣。」公乘不仁曰：「周書曰：『前車覆，後車戒。』蓋言其危，爲人臣者不易，爲君亦不易，今君已設令，令不行，可乎？」君曰：「善。」舉白而飲。飲畢曰：「以公乘不仁爲上客！」

也。○公乘不仁，公乘姓，不仁名，爲主管之意。觴政猶酒令。○釔，飲酒盡也。浮，罰飲也。白，酒樽。大白，滿樽也。

趙簡子問子貢曰：「孔子爲人何如？」子貢對曰：「賜不能識也。」簡子不

悅曰：「夫子事孔子數十年，終業而去之，寡人問子，子曰『不能識』，何也？」子

貢曰：「賜譬渴者之飲江海，知足而已，孔子猶江海也，賜則奚足以識之！」簡子

曰：「善哉！子貢之言也！」

齊景公謂子貢曰：『子誰師？』曰：『臣師仲尼。』公曰：『仲尼賢乎？』對曰：『賢。』公曰：『其賢何若？』對曰：『不知也。』公曰：『子知其賢，而不知其奚若，可乎？』對曰：『今謂天高，無少長，愚智皆知高，高幾何，皆曰不知也，是以知仲尼之賢而不知其奚若。』

趙簡子問於成摯曰：『吾聞夫羊殖者，賢大夫也，是行奚然？』對曰：『臣摯不知也。』簡子曰：『吾聞之，子與友親，子而不知，何也？』摯曰：『其爲人也數變：其十五年也，廉以不匿其過；其二十也，仁以喜義；其三十也，爲晉中軍尉，○勇以喜仁；其年五十也，爲邊城將，遠者復親。今臣不見五年矣，恐其變，是以不敢知。』簡子曰：『果賢大夫也，每變益上矣！』

○周制，諸侯之大者爲三軍，上軍中軍下軍也，中軍爲發號施令之所，主帥自將之，尉簡討軍實之官，中軍尉，尉之屬於中軍者。

奉使

魏文侯封太子擊於中山，○三年使不往來，舍人趙倉唐進稱曰：『爲人子，三年不聞父問，不可謂孝，爲人父，三年不問子，不可謂慈，君何以遣人使大國乎？』太子曰：『願之久矣，未得可使者。』倉唐曰：『臣願奉使。侯何嗜好？』太子曰：『侯嗜晨鳧，④好北犬。』於是乃使倉唐縲⑤北犬奉晨鳧獻於文侯。倉唐至，上謁曰：『擊子⑥擊之使者，不敢當大夫之朝請，⑦以燕閒⑧奉晨鳧敬獻庖廚，縲北犬敬上涓人！』⑨文侯悅曰：『擊愛我，知吾所嗜，知我所好！』召倉唐而見之曰：『擊無恙乎？』倉唐曰：『唯唯！』如是者三，乃曰：『君出太子而封之國，君名之，非禮也。』文侯怵然⑩爲之變容，問曰：『子之君無恙乎？』倉唐曰：『臣來時拜送書於庭。』文侯顧指左右曰：『子之君長孰與是？』倉唐曰：『禮，擬』

人必於其倫」① 諸侯無偶，無所擬之。」曰：「長大孰與寡人？」倉唐曰：「君賜

之外府②之裘，則能勝之；賜之斥帶，則不更其造。」③ 文侯曰：「子之君何業？」

倉唐曰：「業詩。」文侯曰：「於詩何好？」倉唐曰：「好晨風黍離。」④ 文侯自讀

晨風曰：「馭彼晨風，鬱彼北林，未見君子，憂心欽欽，如何如何，忘我實多！」⑤ 文

侯曰：「子之君以我忘之乎？」倉唐曰：「不敢，時思耳。」文侯復讀黍離曰：「彼

黍離離，彼稷之苗，行邁靡靡，中心搖搖，知我者謂我心憂，不知我者謂我何求，悠

悠蒼天，此何人哉！」⑥ 文侯曰：「子之君怨乎？」倉唐曰：「不敢，時思耳。」文侯

於是遣倉唐賜太子衣一襲，勅⑦倉唐以鷄鳴時至。太子起拜受賜，發篋視衣，盡

顛倒，太子曰：「趣早駕！」⑧ 君侯召擊也。」倉唐曰：「臣來時不受命。」太子曰：「君

侯賜擊衣，不以爲寒也，欲召擊，無誰與謀，故勅子以鷄鳴時至，詩曰：「東方未明，

顛倒衣裳，顛之倒之，自公召之。」⑨ 遂西至謁。文侯大喜，乃置酒而稱曰：「夫遠

賢而近所愛，非社稷之長策也。」乃出少子擊封中山，而復太子擊。故曰：欲知其

子，視其友，欲知其君，視其所使。趙倉唐一使，而文侯爲慈父，而擊爲孝子。太子乃稱詩曰：「鳳凰于飛，嘒嘒其羽，亦集爰止。藹藹王多吉士，維君子使，媚于天子。」

① 舍人之謂也。

① 擊，武侯名。中山古國，文侯滅之，今直隸定縣。② 不問子，一作「不聞子問」。③ 中山屬魏，故稱魏

大國。④ 晨鳧，野鴨也，常以晨飛，故名，肥而耐寒，宜爲臚。⑤ 縹，與「緹」同，音屑（ム一セ），繫牲畜

之繩，此處作動詞用。⑥ 孽子，猶言微賤之子。⑦ 不敢當大夫之朝，請言不敢與諸大夫偕奉朝請

也。⑧ 燕閒，燕居閒暇之時。⑨ 涓人，近習之人。⑩ 怵然，驚動貌。⑪ 禮曲，禮語。⑫ 外府，古官名，

掌邦布之出入，以其百物，而待邦之用。⑬ 斥帶，大帶，不更其造，不須更製也。⑭ 晨風，詩秦風章名，

刺秦康公忘穆公之業，始棄其賢臣也。黍離，詩王風章名，周大夫過故宗廟宮室，見盡爲禾黍，閱其顛

覆，而作是詩。⑮ 馱，音聿（シ），疾飛貌。晨風，鳥名，鷓也。鬱，林木積聚貌。北林，林名。喻穆公招賢人，賢人

疾往，如晨風之飛入北林。欽欽，思望之意，謂穆公未見賢人時，思望而心憂也。如何如何，忘我實多，乃

託穆公之意以責康公曰：「汝如何乎，忘我之功業實多也！」⑯ 彼彼，宗廟宮室之地。離離，分披繁

盛貌。行道也。邁，行也。行邁猶道行。道行，猶行道也。靡靡遲遲也。搖搖憂無所訴也。謂我心憂，謂我何求。

皆行人怪我久留不去之辭。悠悠，遠貌。此何人言此亡國之君爲何等人，而使宗廟丘墟至此。勅，

同「飾」，令也，使也。趣，音促（ㄅㄨˋ）；早，一作「具」；趣，具駕，催速具車也。詩齊風東方未明章語。

詩見大雅卷阿章。噦噦，羽聲，爰於也；言鳳凰噦噦飛往，衆鳥亦來，皆與集於所止，喻賢者所在，羣

士皆慕而往仕也。藹藹猶濟濟，媚愛也。君子率吉士，使親愛天子，奉職盡力。

越使諸發執一枝梅遺梁王，梁王之臣曰韓子願謂左右曰：『惡有以一枝

梅以遺列國之君者乎？請爲二三子慚之！』出謂諸發曰：『大王有命：客冠則以

禮見，不冠則否！』諸發曰：『彼越亦天子之封也，不得糞充之州。』乃處海垂

之際，屏外蕃以爲居，而蛟龍又與我爭焉，是以剪髮文身，爛然成章，以像龍子者，

將避水神也。今大國其命冠則見以禮，不冠則否，假令大國之使時過敝邑，敝邑

之君亦有命矣。曰：『客必剪髮文身，然後見之。』於大國何如意而安之，願假冠以

見，意如不安，願無變國俗。』梁王聞之，披衣出以見諸發，令逐韓子。詩云：『維君

子使媚于天子。』若此之謂也。

○冀古九州之一包有今直隸山西及河南黃河以北奉天遼河以西之地。○竟古九州之一今山東直隸皆有地屬之。○海垂海邊也。

秦楚轂○兵。秦王使人使楚，楚王使人戲之曰：『子來亦卜之乎？』對曰：『然。』

『卜之謂何？』對曰：『吉。』楚人曰：『噫甚矣，子之國無良龜也。』○王方殺子以

覺鍾，○其吉如何！』使者曰：『秦楚轂兵。吾王使我先窺，我死而不還，則吾王知

警戒，整齊兵以備楚，是吾所謂吉也。且使死者而無知也，又何覺於鍾，死者而有

知也，吾豈錯○秦相○楚哉，我將使楚之鍾鼓無聲，鍾鼓無聲，則將無以整齊其

士卒而理君軍。夫殺人之使，絕人之謀，非古之通議○也，子大夫試熟計之！』使

者以報楚王，楚王赦之。此之謂造命○。

○轂與『構』同。○古時卜則灼龜甲以視之。○鍾，古『鐘』字，豐鍾，殺而以其血塗鍾之坼隙，取其

克敵之兆也。○錯，同『措』，置也。○相，助也。○議，一說當作『誼』，誼，義也。○禍福皆本於命，能

造禍福曰造命。

魏文侯使舍人毋擇獻鵠於齊侯，毋擇行道失之，徒獻空籠，見齊侯曰：『寡君使臣毋擇獻鵠，道饑渴，臣出而飲食之，而鵠飛冲天，遂不復反。念思非無錢以買鵠也，惡有爲其君使輕易其幣者乎？念思非不能拔劍刎頭腐肉暴骨於中野也，爲吾君貴鵠而賤士也；念思非不敢走陳蔡之間也，惡絕兩君之使；故不敢愛身逃死，來獻空籠。唯主君斧鑕之誅！』齊侯大悅曰：『寡人今者得茲言三，賢於鵠遠矣！寡人有都郊，地百里，願獻子大夫以爲湯沐邑。』毋擇對曰：『惡有爲其君使而輕易其幣，而利諸侯之地乎！』遂出不反。

○都邑之大者，邑外謂之郊。

權謀

趙簡子曰：『晉有澤鳴犢，魯有孔丘，吾殺此二人，則天下可圖也。』於是乃召澤鳴犢，任之以政而殺之，使人聘孔子於魯。孔子至河，臨水而觀曰：『美哉水，洋洋乎！丘之不濟於此，命也夫！』子路趨進曰：『敢問奚謂也？』孔子曰：『夫澤鳴犢，晉國之賢大夫也，趙簡子之未得志也，與之同聞見，及其得志也，殺之而後從政，故丘聞之，刳胎焚夭，則麒麟不至，乾澤而漁，蛟龍不遊，覆巢毀卵，則鳳凰不翔，丘聞之，君子重傷其類者也。』

○澤鳴犢，一作竇鳴犢，又作鐸鳴犢。

○洋洋，大水貌。

○物稚曰天。

○魯公索氏，將祭而亡其牲，孔子聞之曰：『公索氏比及三年，必亡矣。』後

一年而亡。弟子問曰：『昔公索氏亡牲，夫子曰：『比及三年必亡矣。』今期年而

亡，夫子何以知其將亡也？」孔子曰：「祭之爲言索也，索也者，盡也，乃孝子所以自盡於親也，至祭而亡其牲，則餘所亡者多矣，吾以此知其將亡也。」

○比及三年，一作「不及二年」。

下蔡○威公閉門而哭，三日三夜，泣盡而繼以血。旁鄰窺牆而問之曰：「子何故而哭，悲若此乎？」對曰：「吾國且亡。」曰：「何以知也？」應之曰：「吾聞病之將死也，不可爲良醫；國之將亡也，不可爲計謀。吾數諫吾君，吾君不用，是以知其國之將亡也。」於是窺牆者聞其言，則舉宗而去之於楚。居數年，楚王果舉兵伐蔡，窺牆者爲司馬，將兵而往，來虜甚衆，問曰：「得無有昆弟故人乎？」見威公縛在虜中，問曰：「若何以至於此？」應曰：「吾何以不至於此！且吾聞之也：言之者，行之役也；行之者，言之主也。汝能行，我能言，汝爲主，我爲役，吾何以不至於此哉！」窺牆者乃言之於楚王，遂解其縛，與俱之楚。故曰：能言者未必能行，能行者未必能言。

○下蔡，春秋時楚州來邑，故城在今安徽壽縣北。

韓昭侯○〔造〕作高門，屈宜咎○曰：『昭侯不出此門。』曰：『何也？』曰：『不時。吾所謂不時者，非時日也，人固有利不利，昭侯當利矣，不作高門，往年秦拔宜陽，明年大旱民饑，○不以此時恤民之急也，而顧反益奢，此所謂「福不重至，禍必重來」者也。』高門成，昭侯卒，竟不出此門。

○韓昭侯戰國時韓君，名未詳。

○咎，一作「白」；屈宜咎，楚大夫之在魏者。

○宜陽，韓邑，今爲縣，屬

河南河洛道。昭侯二十四年，秦拔宜陽，二十五年旱饑，卽於是年作高門。

中行文子○出亡，至邊，從者曰：『爲此嗇夫○者，君人○也，胡不休焉，且待後車者？』文子曰：『異日吾好音，此子遺吾琴，吾好佩，又遺吾玉，是不非吾過者也，自容於我者也，吾恐其以我求容也。』遂不入。後車入門，文子問嗇夫之所在，執而殺之。仲尼聞之，曰：『中行文子背道失義以亡其國，然後得之，猶活其身，道不可遺也若此！』

○中行文字，即荀寅也。

○齋，夫鄉官也。

○君人，屬君之人。

孔子問漆雕馬人，曰：『子事臧文仲，武仲、孺子容，三大夫者孰爲賢？』

漆雕馬人對曰：『臧氏家有龜焉，名曰蔡。文仲立三年爲一兆焉，武仲立三年爲二兆焉，孺子容立三年爲三兆焉。馬人見之矣，若夫三大夫之賢不賢，馬人不識也。』孔子曰：『君子哉！漆雕氏之子，其言人之美也，隱而顯，其言人之過也，微而著，故智不能及，明不能見，得無數卜乎？』^⑤

○漆雕馬人，一作漆雕憑，又作漆雕平，即孔子弟子漆雕開也。

○臧文仲，魯大夫，名辰，其先出自魯。

○臧文仲，魯大夫，名辰，其先出自魯。

孝公，孝公有子名彊，字子臧，其嗣以其字爲氏，又以彊食采於臧，後謂之臧孫，即氏焉。辰爲彊之曾孫，稱臧孫辰。武仲，文仲之孫，名紇，稱臧孫紇。孺子容，未詳。^③蔡，大龜。^④兆，灼龜而卜也。^⑤智不能及，明不能見，則多卜，反是則少卜，文仲卜最少，武仲次之，孺子容卜最多，不言其賢否，而賢否自見。

至公

辛櫟見魯穆公^①曰：『周公不如太公之賢也。』穆公曰：『子何以言之？』辛櫟對曰：『周公擇地而封曲阜^②，太公擇地而封營丘^③，爵土等，其地不若營丘之美，人民不如營丘之衆，不徒若是，營丘又有天固。』穆公心慙，不能應也。辛櫟趨而出。南宮邊子入，穆公具以辛櫟之言語南宮邊子，南宮邊子曰：『昔周成王之卜居成周^④也，其命龜曰：「予一人兼有天下，辟就^⑤百姓，敢無中土^⑥乎！使予有罪，則四方伐之，無難得也。」周公卜居曲阜，其命龜曰：「作邑乎山之陽，賢則茂昌，不賢則速亡！」季孫行父^⑦之戒其子也，曰：「吾欲室之俠於兩社之間也，^⑧使吾後世有不能事上者，使其替^⑨之益速！」如是則曰：賢則茂昌，不賢則速亡，安在擇地而封哉，或示有天固也？辛櫟之言小人也，子無復道也！』

○魯公名顯。

○曲阜魯國所都，今爲縣，屬山東濟寧道。

○營丘齊太公所封地，在今山東昌樂

縣東南。④成周，周時洛邑之稱，在今河南洛陽縣東北，周都於鎬，在今陝西，地偏西方，故築都洛邑，

不時蒞治，以便統攝。

⑤辟就，曠近之意。

⑥中土，卽指成周，以其地居國中也。

⑦季孫行父魯賢

大夫，歷相宣公成公襄公，魯桓公有子名季友，封於鄆，後爲季孫氏，行父，季友孫也。

⑧俠與「夾」通，

傍也。兩社，周社與亳社，兩社之間，朝廷執政之臣所在。⑨替廢也。

楚令尹虞丘子復○於莊王曰：『臣聞奉公行法，可以得榮，能淺行薄，無望

上位，不名仁智，無求顯榮，才之所不著，無當其處。○臣爲令尹十年矣，國不加治，

獄訟不息，處士○不升，淫禍④不討，久踐高位，妨羣賢路，尸祿素餐，⑤貪欲無厭，

臣之罪當稽於理！○臣竊選國俊下里⑦之士曰孫叔敖，〔秀〕禿贏⑧多能，其性

無欲，君舉而授之政，則國可使治，而士民可使附。』莊王曰：『子輔寡人，寡人得

以長於中國，令行於絕域，遂霸諸侯，非子如何？』虞丘子曰：『久固祿位者，貪也，

不進賢達能者，誣也，不讓以位者，不廉也；不能三者，不忠也；爲人臣不忠，君王又

何以爲忠，臣願固辭！』莊王從之，賜虞丘子采地^⑨三百，號曰國老，以孫叔敖爲令尹，少焉，虞丘子家干^⑩法，孫叔敖執而戮之，虞丘子喜，入見於王曰：『臣言孫叔敖果可使持國政，奉國法而不黨，施刑戮而不劓，^⑪可謂公平！』莊王曰：『夫子之賜也己！』

○復白也。○無當其處，謂不居其位。○處士有才能而未顯者。○淫禍，淫邪作亂之徒。○尸

祿，食祿不事事，素空也。素煖，無事而食。○稽，計也，議也。稽於理，謂當使獄官繩之以法。○下里，鄉

里也。○禿羸，首無髮而羸瘦，言孫叔敖之形相也。○采，官也，官收其地之租入爲俸祿，故曰采地。

①干，犯也。②劓，音委（又），曲而徇情之意。

趙宣子○言韓獻子○於晉侯曰：『其爲人不黨，治衆不亂，臨死不恐。』晉

侯以爲中軍尉。河曲之役，○趙宣子之車干行，^④韓獻子戮其僕，人皆曰：『韓獻

子必死矣，其主朝昇之，而暮戮其僕，誰能待之？』役罷，趙宣子觴大夫，爵三行，曰：

『二三子可以賀我！』二三子曰：『不知所賀。』宣子曰：『我言韓厥於君，言之

而不當，必受其刑，今吾車失次而戮之僕，可謂不黨矣，是吾言當也。』二三子再拜稽首曰：『不惟晉國適^⑤享之，乃唐叔^⑥是賴之，敢不再拜稽首乎！』

○趙宣子名盾，諡曰宣。

○韓獻子名厥，諡曰獻。

○河曲在河東蒲坂縣南，蒲坂故城在今山西永

濟縣，黃河自永濟折而東，入芮城縣，謂之河曲。秦晉戰於河曲，魯文公十二年事。

○^④干犯而亂之也。

行陳次。

○^⑤適，偶也。

○^⑥唐叔，名虞，字子干，周武王子，成王封之於唐，故曰唐叔，晉之始君也。

楚令尹子文^①之族有干法者，廷理^②拘之，聞其令尹之族也，而釋之，子文召廷理而責之曰：『凡立廷理者，將以司犯王令而察觸國法也，夫直士恃法，柔而不撓，^③剛而不折，今棄法而背令，而釋犯法者，是爲理不端，懷心不公也；豈吾營私之意也，何廷理之駁^④於法也？吾在上位以率士民，士民或怨，而吾不能免之於法，今吾族犯法甚明，而使廷理因緣吾心而釋之，是吾不公之心明著於國也，執一國之柄，而以私聞，與吾生不以義，不若吾死也！』遂致其族人於廷理曰：『不是刑也，吾將死！』廷理懼，遂刑其族人。成王^⑤聞之，不及履而至於子文之

室曰：『寡人幼少，置理失其人，以違夫子之意！』於是黜廷理而尊子文，使及內政。國人聞之曰：『若令尹之公也，吾黨何憂乎！』乃相與作歌曰：『子文之族，犯國法程，廷理釋之，子文不聽，恤顧怨萌，^⑥方正公平！』

○子文，姓鬬，名穀於菟，事楚成王爲令尹，有賢稱。
 ○廷理，與大理同。
 ○撓，屈也。
 ○駭，亂也。

成王名熊惲。
 ⑥萌，與『氓』通，民也。

子羔○爲衛政，別人之足。衛之君臣亂，○子羔走郭門，郭門閉，別者守門，曰：

『於彼有缺。』子羔曰：『君子不踰。』曰：『於彼有竇。』子羔曰：『君子不遂。』

曰：『於此有室。』子羔入。追者罷，子羔將去，謂別者曰：『吾不能虧損主之法，令

而親別子之足，吾在難中，此乃子之報怨時也，何故逃我？』別者曰：『斷足固我

罪也，無可奈何。君之治臣也，傾側法令，^④先後臣以法，^⑤欲臣之免於法也，臣知

之；獄決罪定，臨當論刑，君愀然^⑦不樂，見於顏色，臣又知之；君豈私臣哉？天生仁

人之心，其固然也。此臣之所以脫君也。』孔子聞之曰：『善爲吏者樹德，不善爲

吏者樹怨，公行之也，其子羔之謂歟！』

○子羔[△]姓高，名柴，孔子弟子。時爲衛士師。

○衛莊公崩，賸爲太子時，得罪於父靈公而出奔，靈公卒，

國人立莊公子出公輒爲君，立十二年而莊公入，衛亂。

○遂[△]一作『隧』，謂從地道潛行。缺資非正路，

不踰不遂，惡其近盜竊也。

④傾側法令以法令傾側示之。

⑤先後臣以法，先人後己以爲之地，使

知法令可進却也。

⑥愀然[△]容色變也。

指武

孔子北遊，東上農山，○子路子貢顏淵從焉。孔子喟然歎曰：『登高望下，使人心悲！二三子各言爾志，丘將聽之！』子路曰：『願得白羽若月，赤羽若日，○鐘鼓之音，上聞乎天，旌旗翩翩，下蟠○於地，由且舉兵而擊之，必也攘○地千里，獨由能耳，使夫二子爲我從焉。』孔子曰：『勇戰士乎！憤憤○者乎！』子貢曰：『賜也願齊楚合戰於莽洋○之野，兩壘相當，旌旗相望，塵埃相接，接戰構兵，賜願著縞衣白冠，陳說白刃之閒，解兩國之患，獨賜能耳，使夫二子者爲我從焉。』孔子曰：『辯哉！士乎！僂僂○者乎！』顏淵獨不言，孔子曰：『回來！若獨何不願○乎？』顏淵曰：『文武之事，二子已言之，回何敢與焉！』孔子曰：『若鄙心不與焉，○第言之！』顏淵曰：『回聞鮑魚蘭芷，○不同篋○而藏，堯舜桀紂，不同國而治，二子之』

言與回言異。回願得明王聖主而相之，使城郭不修，溝池不越，^④鍛^⑤劍戟以爲農器，使天下千歲無戰鬪之患；如此，則由何憤憤而擊，賜何僂僂而使乎！孔子曰：『美哉德乎！姚姚^⑥者乎！』子路舉手問曰：『願聞夫子之意！』孔子曰：『吾所願者，顏氏之計，吾願負衣冠而從顏氏子也！』

① 農山，山名，一作『景山』，在魯地，今山東曹縣東南有景山，未知是否。② 兵車旗幟皆插羽。③

蟠委也。④ 攘猶闕也。⑤ 憤憤，剛勇之貌。⑥ 莽洋，一作『溱溱』，空曠貌。⑦ 僂僂，體態從容也。

⑧ 不願無所願也。⑨ 若鄙心不與汝心鄙而不與也。⑩ 鮑魚味臭，蘭芷香草。⑪ 篋，音怯（く

世），箱也。⑫ 不越，不深鑿也。⑬ 鍛，銷鍊也。⑭ 姚姚，德美盛貌。

武王將伐紂，召太公望而問之曰：『吾欲不戰而知勝，不卜而知吉，使非其人，^①爲之有道乎？』太公對曰：『有道：王得衆人之心，以圖不道，則不戰而知勝矣；以賢伐不肖，則不卜而知吉矣；彼害之，我利之，雖非吾民，可得而使也。』武王曰：『善。』乃召周公而問焉，曰：『天下之圖事者，皆以殷爲天子，以周爲諸侯，以

諸侯攻天子，勝之有道乎？」周公對曰：「殷信天子，周信諸侯，則無勝之道矣，何可攻乎！」武王忿然曰：「汝言有說乎！」周公對曰：「臣聞之：〔攻〕賊禮者爲賊；〔攻〕賊義者爲殘；失其民，制爲匹夫；王攻其失民者也，何攻天子乎！」武王曰：「善。」乃起衆舉師，與殷戰於牧^①之野，大敗殷人。上堂見玉，曰：「誰之玉也？」曰：「諸侯之玉。」卽取而歸之於諸侯，天下聞之，曰：「武王廉於財矣。」入室見女，曰：「誰之女也？」曰：「諸侯之女也。」卽取而歸之於諸侯，天下聞之，曰：「武王廉於色也。」於是發巨橋^②之粟，散鹿臺^③之財，金錢以與士民，黜其戰車而不乘；弛^④其甲兵而弗用，縱馬華山^⑤，放牛桃林^⑥，示不復用，天下聞者，咸謂武王行義於天下，豈不大哉！

①使非其人言非吾之人民而使之。②牧一作「毋」，紂之南郊，在今河南淇縣南。③巨橋，一作

「鉅橋」，倉名，遺址當在今直隸曲周縣東北。④鹿臺，臺名，在今河南淇縣。⑤弛，解也。⑥華山，古

稱西嶽，在今陝西華陰縣。⑦桃林，地名，自河南靈寶縣以西至潼關皆是。

文王欲伐崇，先宣言曰：『予聞崇侯虎蔑侮父兄，不敬長老，聽獄不中，分財不均，百姓力盡，不得衣食，予將來征之！』惟爲民，乃伐崇，令毋殺人，毋壞室，毋填井，毋伐樹木，毋動六畜，有不如令者，死無赦！崇人聞之，因請降。

○崇，古國名。今陝西鄠縣地。

談叢

臯逢鳩，鳩曰：『子將安之？』臯曰：『我將東徙。』鳩曰：『何故？』臯曰：『鄉人皆惡我鳴，以故東徙。』鳩曰：『子能更鳴，可矣，不能更鳴，東徙猶惡子之聲。』

雜言

彌子瑕○愛於衛君。衛國之法，竊駕君車，罪刑，彌子瑕之母疾，人聞，夜往告之，子瑕擅駕君車而出，君聞之，賢之曰：『孝哉！爲母之故，犯刑罪哉！』君遊果園，彌子瑕食桃而甘，不盡而奉君，君曰：『愛我而忘其口味。』○及彌子瑕色衰而愛弛，○得罪於君，君曰：『是故嘗矯吾車，又嘗食我以餘桃。』○故子瑕之行未必變初也，前見賢，後獲罪者，愛憎之生變也。

○彌子瑕，衛靈公之嬖臣。○食餘之物，口汗存焉，以之奉人爲不敬，謂子瑕愛我，故忘情於此。○彌與『弛』同。○矯，僞造妄託也。矯君車，食餘桃，追數其前罪。

西閭過東渡河，中流而溺，船人接而出之，問曰：『今者子欲安之？』西閭過曰：『欲東說諸侯王。』船人掩口而笑曰：『子渡河，中流而溺，不能自救，安能說

諸侯乎！』西閭過曰：『無以子之所能相傷爲也！子獨不聞和氏之璧乎，價重千金，然以之閒紡，曾不如瓦磚；隨侯之珠，國之寶也，然用之彈，曾不如泥丸；騏驎駉，倚衡負輓而趨，一日千里，此至疾也，然使捕鼠，曾不如百錢之狸；干將鑊，拂鐘不錚，試物不知，揚刃離金，斬羽契鐵斧，此至利也，然以之補履，曾不如兩錢之錐；今子持楫乘扁舟，處廣水之中，當陽侯之波而臨淵流，適子所能耳，若試與子東說諸侯王，見一國之主，子之蒙蒙，無異夫未視之狗耳！』

○楚人卞和得璞玉，獻之楚厲王，玉人曰：『石也。』王別和左足，武王卽位，又獻之，玉人又曰：『石也。』王別其右足，文王立，和乃抱璞而哭，三日三夜，文王乃使玉人琢之，果得玉，因名爲和氏璧。○隨侯，漢

中姬姓國之諸侯，嘗見大蛇傷斷，以藥塗之，後蛇銜珠爲報，純白而夜光，大徑寸，因名爲隨侯珠。○

騏驎駉，皆良馬名。○衡，車轅端橫木。○輓，在車衡兩端，扼馬頸者。○干將鑊，寶劍名，干

將，吳人，其妻名莫邪，干將作劍，莫邪斷髮剪爪投爐中，金鐵乃濡，遂成二劍，因名陽曰干將，陰曰莫邪；

鑿鑿，卽莫邪。

⑦ 錚，金聲。不錚，金屬之器不聲也。

⑧ 不知，如未着物，毫無所覺也。

⑨ 契，同「鏗」，音

擊（一）世，斷也。

⑩ 桴，槩也。

⑪ 陽侯，陵陽國侯，死於水，爲神，能作大波，因名爲陽侯之波。

⑫ 蒙

蒙，暗不明也。

孔子之宋，匡簡子將殺陽虎，○孔子似之，甲士以圍孔子之舍。○子路怒奮戟將下鬪，孔子止之曰：『何仁義之不免俗也！』○夫詩書之不習，禮樂之不修也，是丘之過也，若以陽虎，則非丘之罪也，命也夫！由歌予和汝。』子路歌，孔子和之，三終而甲罷。

○匡，地名，在今直隸長垣縣。簡子，匡人。陽虎，名貨，魯大夫家臣，以罪出奔。○陽虎曾暴於匡，孔子貌似虎，匡人誤以爲虎而圍之。○言何修仁義而不免世俗好勇鬥狠之事。

子夏問仲尼曰：『顏淵之爲人也何若？』曰：『回之信賢於丘也。』曰：『子貢之爲人也何若？』曰：『賜之敏賢於丘也。』曰：『子路之爲人也何若？』曰：『由之勇賢於丘也。』曰：『子張之爲人也何若？』曰：『師之莊賢於丘也。』於是子

夏避席而問曰：『然則四者何爲事先生？』曰：『坐！吾語汝：回能信而不能反；賜能敏而不能屈；由能勇而不能怯；師能莊而不能同。兼此四子者，丘不爲也。夫所謂至聖之士，必見進退之利，屈伸之用者也。』

○子夏姓卜，名商，孔子弟子。

○子張姓顓孫，名師，亦孔子弟子。

東郭子惠問於子貢曰：『夫子之門，何其雜也？』子貢曰：『夫隱括之旁多枉木，良醫之門多疾人，砥礪之旁多頑鈍，夫子修道以俟天下，來者不止，是以雜也。』詩云：『菀彼柳斯，鳴蜩嘒嘒，有濯者淵，莞葦淠淠。』言大者之旁，無所不容。

○東郭子惠，一作『東郭子思』，又作『南郭惠子』。

○隱括，卽『櫟括』，正邪曲之器，揉曲者曰櫟，正方

者曰括。枉木，不直之木。

○詩小雅小弁章語。菀，音鬱，茂盛貌。蜩，蟬也。嘒，嘒，鳴聲。濯，音崔，

深貌。葦，葦，草名。淠，音媿，淠淠，衆貌。柳盛則多蟬，淵深則莞葦叢生，所謂大者之旁，無所不

容也。

子路盛服而見孔子，孔子曰：『由是襜褕者何也？昔者江水出於岷山，其始也，大足以濫觴，及至江之津也，不方舟，不避風，不可渡也，非唯下流衆川之多乎？今若衣服甚盛，顏色充盈，天下誰肯加若者哉？』子路趨而出，改服而入，蓋自如也。孔子曰：『由記之！吾語若：賁於言者，華也；奮於行者，伐也。夫色智而有能者，小人也。故君子知之爲知之，不知爲不知，言之要也，能之爲能，不能爲不能，行之至也，言要則知，行要則仁，既知且仁，夫有何加矣哉！』由詩云：「湯降不遲，聖敬日躋。」此之謂也。

襜，音蟾（彳，馬），襜褕，整貌；一作「裾裾」，又作「倨倨」與「疏疏」。○岷山，在今四川松潘縣北。○觴，所以盛酒，大惟足以濫觴，言其微也。○賁，讀爲「憤」，賁於言者，華謂以言自憤起者，華而無實。○奮於行者，伐言自矜奮行者爲自伐。

子路見孔子曰：『君子亦有憂乎？』孔子曰：『無也，君子之修其行，未得則樂其意，既已得，又樂其〔知〕治，是以有終身之樂，無一日之憂，小人則不然，其

未之得，則憂不得；既已得之，又恐失之，是以有終身之憂，無一日之樂。』

○樂其意，樂其爲治之意。

曾子曰：『吾聞夫子之三言，未之能行也；夫子見人之一善而忘其百非，是夫子之易事也；夫子見人有善，若己有之，是夫子之不爭也；聞善必躬親行之，然後道之，是夫子之能勞也；夫子之不爭也，夫子之易事也，吾學夫子之三言而未能行！』

孔子曰：『丘死之後，商也日益，賜也日損，商也好與賢己者處，賜也好說不如己者。』

孔子將行，無蓋，弟子曰：『子夏有蓋，可以行。』孔子曰：『商之爲人也，甚短於財，吾聞與人交者，推其長者，違○其短者，故能久長矣。』

○違避也，去之也。

子路行，辭於仲尼曰：『敢問新交取親若何？言寡可行若何？長爲善士而無』

犯若何？仲尼曰：『新交取親，其忠乎；言寡可行，其信乎；長爲善士而無犯，其禮平。』

孔子曰：『夫富而能富人者，欲貧而不可得也；貴而能貴人者，欲賤而不可得也；達而能達人者，欲窮而不可得也。』

孔子曰：『不知其子，視其所友；不知其君，視其所使。』又曰：『與善人居，如入蘭芷之室，久而不聞其香，則與之化矣；與惡人居，如入鮑魚之肆，久而不聞其臭，亦與之化矣。』故曰：『丹[⊖]之所藏者赤，烏[⊖]之所藏者黑。』君子慎所藏。

⊖丹[⊖]，赤色丹砂。⊖烏[⊖]，一作『漆』。

辨物

楚昭王[○]渡江，有物大如斗，直觸王舟，止於舟中，昭王大怪之，使聘問孔子，孔子曰：『此名萍實，[○]令[○]剖而食之，惟霸者能獲之，此吉祥也。』其後齊有飛鳥一足，來下，止於殿前，舒翅而跳，齊侯大怪之，又使聘問孔子，孔子曰：『此名商羊，急告民趣治溝渠，天將大雨。』於是如之，天果大雨，諸國皆水，齊獨以安。孔子歸，弟子請問，孔子曰：『異時小兒謠曰：「楚王渡江得萍實，大如（拳）斗，赤如日，剖而食之，美如蜜。」此楚之應也；兒又有兩兩相牽，屈一足而跳曰：「天將大雨，商羊起舞。」今齊獲之，亦其應也；夫謠之後，未嘗不有應隨者也。』故聖人非獨守道而已也，睹物記也，即得其應矣。

楚昭王名珍，平王子。

○萍實萍之實也。

○令，一作「可」。

晉平公出畋，見乳虎。○伏而不動，顧謂師曠曰：『吾聞之也，霸王之主出則猛獸伏不敢起，今者寡人出，見乳虎伏而不動，此其猛獸乎？』師曠曰：『鵠食獾，○獾食駮，○駮食豹，豹食駮，○駮食虎。夫駮之狀有似駮馬，今者君之出，必駮^五駮馬而出畋乎？』公曰：『然。』師曠曰：『臣聞之一自誣者窮，再自誣者辱，三自誣者死。今夫虎所以不動者，爲駮馬也，固非主君之德義也，君奈何一自誣乎！』平公異日出朝，有鳥環平公不去，平公顧謂師曠曰：『吾聞之也，霸王之主，鳳下之。今者出朝，有鳥環寡人，終朝不去，是其鳳鳥乎？』師曠曰：『東方有鳥名諫珂，其爲鳥也，文身而朱足，憎鳥而愛狐，今者吾君必衣狐裘以出朝乎！』平公曰：『然。』師曠曰：『臣已嘗言之矣，一自誣者窮，再自誣者辱，三自誣者死，今鳥爲狐裘之故，非吾君之德義也，君奈何而再自誣乎！』平公不說。異日，置酒鹿祁之臺，^六使郎中馬章布蒺藜^七於階上，令人召師曠，師曠至，履而上堂，平公曰：『安有人臣履而上人主堂者乎？』師曠解履刺足，伏刺膝仰天而歎，公起引之曰：

『今者與叟戲，叟遽憂乎？』對曰：『憂夫肉自生蟲而還自食也，木自生蠹而還自刻也，人自興妖而還自賊也，五鼎之具，不當生藜藿，人主堂廟，不當生蒺藜。』平公曰：『今爲之奈何？』師曠曰：『妖已在，無可奈何，入來月八日，修百官，立太子，君將死矣！』至來月八日，平旦，謂師曠曰：『叟以今日爲期，寡人如何？』師曠不樂，謁歸，歸未幾而平公死。乃知師曠神明矣！

①乳虎，小虎。

②猶與『蝟』同，蟲也，似豪豬而小，見鵠，便自仰腹受啄。

③駿驥鳥名，狀如鳴，赤足，直

喙，黃文，一作『駿驥』。

④駘，音剝（夕巳），獸名，狀如馬，白身，黑尾，一角，虎之牙爪，音如鼓，食虎豹。

⑤

騶馬在兩旁駕車也。

⑥廐，音斯（厶），廐，廐名，平公所築。

⑦蒺藜，草名，有刺，能傷人。

趙簡子問於翟封荼曰：『吾聞翟雨穀三日，信乎？』曰：『信。』又聞雨血

三日，信乎？曰：『信。』又聞馬生牛，牛生馬，信乎？曰：『信。』簡子曰：『大哉妖！

亦足以亡國矣。』對曰：『雨穀三日，蛇風之所飄也；雨血三日，鷺鳥擊於上也；

馬生牛，牛生馬，雜牧也；此非翟之妖也。』簡子曰：『然則翟之妖奚也？』對

曰：『其國數散；^⑤其君幼弱；其諸卿貨；^⑥其大夫^⑦比黨以求祿爵；其百官肆斷而無告；^⑧其政令不竟而數化；^⑨其士巧貪而有怨；^⑩此其妖也。』

○翟封茶，翟人名封茶也。○虻，與『盲』通，官風風之急而迴旋者。○鷲鳥在空中搏擊，其血下灑

如雨然也。○四牛馬雜居，牝牡互交，傳種變異。○數散，言人民常離，不得安居。○諸卿，指上級官。

貨，貪利也。○大夫，中級官。○百官，下級官。肆斷，任意處置。告，一作『常』。○竟，一作『常』。化，一作

『改』。○心不足而怨其上也。

子貢問孔子：『死人有知無知也？』孔子曰：『吾欲言死者有知也，恐孝子順孫妨生以送死也，欲言無知，恐不孝子孫棄不葬也，賜欲知死人有知將無知也，死徐自知之，猶未晚也。』

修文

子夏三年之喪畢，見於孔子。孔子與之琴，使之弦，援琴而弦，衍衍而樂，作而曰：『先王制禮，不敢不及也。』子曰：『君子也！』閔子騫○三年之喪畢，見於孔子，孔子與之琴，使之弦，援琴而弦，切切而悲，作而曰：『先王制禮，不敢過也。』孔子曰：『君子也！』子貢問曰：『閔子哀不盡，子曰「君子也」，子夏哀已盡，子曰「君子也」，賜也惑，敢問何謂？』孔子曰：『閔子哀未盡，能斷之以禮，故曰「君子也」；子夏哀已盡，能引而致之，故曰「君子也」。』夫三年之喪，固優者之所屈，劣者之所勉。

○衍，音看（弓弓），去聲；衍，衍和樂貌。

○閔子騫，名損，孔子弟子。

齊宣王謂田過曰：『吾聞儒者喪親三年，喪君二年，君與父孰重？』田過對

曰：『殆不如父重。』王忿然怒曰：『然則何爲去親而事君？』田過對曰：『非君之土地，無以處吾親，非君之祿，無以養吾親，非君之尊位，無以尊顯吾親，受之君，致之親，凡事君所以爲親也。』宣王邑邑而無以應。

○邑邑，不舒貌。

韓褐子濟於河，津人告曰：『夫人過於此者，未有不快用者也，而子不用乎？』韓褐子曰：『天子祭海內之神，諸侯祭封域之內，大夫祭其親，士祭其祖禰，褐也，未得事河伯也。』津人巾楫，舟中水而運，津人曰：『向也役人固已告矣，夫子不聽役人之言也，今舟中水而運，甚殆，治裝衣而下遊乎！』韓子曰：『吾不爲人之惡我而改吾志，不爲我將死而改吾義。』言未已，舟泆然行。韓褐子曰：『詩云：「莫莫葛藟，施於條枚，愷悌君子，求福不回。」鬼神且不回，況於人乎！』

○津人，司渡舟者。

○用，謂祭也。

○禰，父廟也。

○運，旋轉也。

○泆，音逸；泆然，縱放貌。

○

詩大雅旱麓章語莫莫茂貌。葛藹草名。施音異。延也。一枝曰條。幹曰枚。愷悌樂易也。求福不回。不違祖先之正道以求福也。

反質

衛有五丈夫，俱負缶^①而入井，灌韭終日一區，鄧析^②過，下車爲教之曰：『爲機，重其後，輕其前，命曰「橋」^③。終日漑韭，百區不倦。』五丈夫曰：『吾師言曰：「有機知之巧，必有機知之敗。」我非不知也，不欲爲也。子其往矣！我一心爲之，不知改已。』鄧析去，行數十里，顏色不悅懌，自病^④。弟子曰：『是何人也，而恨我君？請爲君殺之！』鄧析曰：『釋之！是所謂真人者也，可令守國！』

① 缶[△]瓦器；一作『壺』。

② 鄧析[△]，春秋時人，作名家言。

③ 橋[△]，一作『桔槔』。

④ 病[△]，病恨也。

禽滑釐^①問於墨子^②曰：『錦繡絺紵，將安用之？』墨子曰：『惡！是非吾用

務也！古有無文者得之矣。夏禹是也，卑小宮室，損薄飲食，土階^③，三等衣裳，細布，當此之時，黻^④無所用，而務在於完堅，殷之盤庚^⑤，大其先王之室，而改遷於殷，

⑥茅茨⑦不剪，采椽⑧不斷，以變天下之視。當此之時，文采之帛，將安所施？夫品庶⑨非有心也，以人主爲心，苟上不爲，下惡用之？二王者以〔化〕身先於天下，故化隆於其時，成名於今世也。且夫錦繡絺紵，亂君之所造也，其本興於齊，景公喜奢而忘儉，幸有晏子以儉鑄之，⑩然猶幾不能勝。夫奢安可窮哉！紵爲鹿臺，糟丘，酒池，肉林，⑪宮牆文畫，彫琢刻鏤，錦繡被堂，金玉珍瑋，婦女優倡，鐘鼓管絃，流漫不禁，而天下愈竭，故卒身死國亡，爲天下戮，非惟錦繡絺紵之用耶？今當凶年，有欲予子隨侯之珠者，——不得賣也，珍寶而以爲飾。——又欲予子一鍾粟者，得珠者不得粟，得粟者不得珠，子將何擇？禽滑釐曰：『吾取粟耳，可以救窮。』墨子曰：『誠然，則惡在？事夫奢也！長⑫無用，好末淫，非聖人之所急也。故食必常飽，然後求美，衣必常暖，然後求麗，居必常安，然後求樂，爲可長，行可久，先質而後文，此聖人之務。』禽滑釐曰：『善。』

①禽滑釐，墨子弟子；一說，受業於子夏。

②墨子名翟，戰國時魯人，倡兼愛尚同之說，主節儉。

③土

階以土爲階也。④黻，一作「黼黻」，衣裳繪繡之文也。⑤盤庚，殷之賢君。⑥般，般始帝湯之舊都，

爲西亳，盤庚自河北徙此，地在今河南偃師。⑦茅茨，以茅蓋屋也。⑧采，亦作「櫟」，櫟木也，以采爲

椽，言其儉。⑨品庶，民衆也。⑩晏子名嬰，齊賢相，鑄抑制之意。⑪糟丘，積糟成丘，酒池以酒爲池。

肉林，懸肉爲林。⑫長，讀去聲，餘也。

魏文侯御廩災，文侯素服辟正殿五日，羣臣皆素服而弔，公子成父獨不弔。

文侯復殿，公子成父趨而入賀曰：『甚大善矣夫，御廩之災也！』文侯作色不悅

曰：『夫御廩者，寡人寶之所藏也，今火災，寡人素服辟正殿，羣臣皆素服而弔，至

於子大夫而不弔，今已復〔辟〕殿矣，猶入賀，何爲？』公子成父曰：『臣聞之：天子

藏於四海之內，諸侯藏於境內，大夫藏於其家，士庶人藏於篋櫝，非其所藏者，不

有天災，必有人患，今幸無人患，乃有天災，不亦善乎？』文侯喟然歎曰：『善。』

齊桓公謂管仲曰：『吾國甚小，而財用甚少，而羣臣衣服輿馬甚汰，吾欲禁

之，可乎？』管仲曰：『臣聞之：君嘗之，臣食之；君好之，臣服之；今君之食也，必桂之

漿，○衣練紫○之衣，狐白之裘，此羣臣之所奢太○也；詩云：「不躬不親，庶民不信。」^④君欲禁之，胡不自親乎？桓公曰：「善。」於是更制練帛之衣，^⑤大白^⑥之冠，朝一年而齊國儉也。

○桂漿以桂製之液汁。○練紫熟帛之染成紫色者。○太與『泰』同。○詩小雅節南山章之語。不，原皆作『弗』。○練帛之衣，以練帛之粗者爲衣也。○大，一作『太』，大白，純素之質。

趙簡子乘弊車瘦馬，衣殺羊○裘，其宰進諫曰：「車新則安，馬肥則往來疾，狐白之裘溫且輕。」○簡子曰：「吾非不知也，吾聞之：君子服善則益恭，細人服善則益倨；今我以自備，○恐有細人之心也。」傳曰：「周公位尊愈卑，勝敵愈懼，家富愈儉，故周氏八百餘年。」^④此之謂也。

○殺，音古（《又》殺羊黑牝羊也。○一本下有『君宜服之』四字；又本有『君宜改也』四字。○備防也。○周有天下，八百餘年而後亡。

晉文公合諸侯而盟曰：「吾聞國之昏，不由聲色，必由姦利，好樂聲色者，淫

也，貪姦者，惑也，夫淫惑之國，不亡必殘，自今以來，無以美妾疑妻，無以聲樂妨
〔政〕正，無以姦情害公，無以貨利示下，其有之者，是謂伐其根素，流於華葉，○若
此者，有患無憂，有寇勿弭，○不如言者盟示之，君子聞之曰：『文公其知道乎！
其不王者，猶○無佐也。』

○素，一說，『菱』之訛，伐其根素，流於華葉，謂壞其本根，修其枝節也。○有患無憂，有寇勿弭，謂有患
不知憂，有寇勿能弭。○猶與『由』同。○

魯有儉者，瓦鬲，○煮食，食之而美，盛之土鏹之器，○以進孔子，孔子受之，歡
然而悅，如受太牢，○之饋，弟子曰：『瓦甗，○陋器也，煮食，薄膳也，而先生何喜如
此乎？』孔子曰：『吾聞好諫者思其君，食美者念其親，吾非以饌爲厚也，以其食美
而思我〔親〕也。』

○瓦鬲，瓦釜也。○鏹，羹器，鏹或作『型』，土型之器，卽下之『瓦甗』。○牛羊豕皆具爲太牢。○甗，
小盆，大口而卑下。

公明宣學於曾子，三年不讀書。曾子曰：『宣而居參之門，三年不學，何也？』

公明宣曰：『安敢不學？宣見夫子居宮庭，親在，叱叱之聲，未嘗至於犬馬，宣說之，學而未能；宣見夫子之應賓客，恭儉而不懈惰，宣說之，學而未能；宣見夫子之居朝廷，嚴臨下而不毀傷，宣說之，學而未能；宣說此三者，學而未能，宣安敢不學而居夫子之門乎！』曾子避席謝之曰：『參不及，宣其學而已！』

魯人身善織屨，妻善織縞，[⊖]而徙於越，或謂之曰：『子必窮！』魯人曰：『何也？』曰：『屨爲履，縞爲冠也，而越人徒跣剪髮，遊不用之國，欲無窮可得乎！』

⊖縞，生絹之色白而細者。

